



柳田文庫
文庫11
D 295
5



文庫 11
D 295
5

元史類編卷之九

皇清詹事府少詹事仁和邵遠平戒山學

天王七

文宗皇帝諱圖帖睦爾武宗次子明宗弟也母妃唐兀氏大德三年武宗出鎮北邊帝以八年甲辰正月癸亥生武宗崩傳位於弟仁宗延祐中仁宗立子英宗為皇太子乃封武宗長子明宗為周王命鎮雲南而帝尚留京師至治元年中正使咬住誣告脫歡察兒等交通親王將搆異圖辭連潛邸於是出帝于瓊州未幾英宗遇弒晉王入立泰定元年正月名帝于海南行至潭州復止之居數月乃還大都改封懷王食邑端州六萬五千戶二年正月仍命出居建康輟耕錄云文宗潛邸金陵治上至取相嵌碧珠指環默祝日若天命在躬此當不壞印液中鐘成珠宛然在上光采煥發不以灼毀及登大寶方與近

柳田泉文庫

010190562960

侍言向時祝天之識又云文宗居金陵時命房大年畫京都萬歲山大年辭以未嘗至其地上索紙為布畫位置令按意上格法道整雖以殊祥院使也先捏掌其衛事時倒刺沙專工所莫及

狡復自用災異數見而帝兄弟播越南北武宗舊臣恒思之致和元年春泰定帝出畋柳林以疾還宮諸王滿秃阿馬刺台太常禮儀使哈海宗正濶濶出等與僉樞密事燕鐵木兒謀曰今主上疾日作將往上都脫不諱吾黨扈從者執上都諸王大臣殺之居守者即縛大都省臺官宣言武皇子當正位傳檄諸關守帥則大事濟矣三月泰定帝如上都滿秃濶濶出等從以西安王阿刺忒納失里居守燕鐵木兒亦留大都時也先捏私至上都與倒刺沙圖弗利於帝乃復遷帝居江陵七月泰定帝崩于上都倒刺沙立其子河速吉八收元天順遣使詣大都命平章烏伯都刺收百司印時梁王禪遜王脫脫手握上都重兵

而燕鐵木兒實掌大都樞密符鑰謀於西安王陰圖義舉八月

甲午黎明集百官興聖宮燕鐵木兒率阿刺鐵木兒孛倫赤等十七人兵皆露刃以欲立武宗二子意號於眾乃手縛平章烏伯都刺伯顏察兒分命勇士執中書左丞朶朶參知政事王士熙參議省事脫脫吳秉道侍御史鐵木哥丘世傑治書侍御史脫歡詹事丞王桓等下之獄推前湖廣左丞相別不花為中書左丞相詹事塔失海牙平章政事湖廣右丞速速為中書左丞遣前河南參政明里董阿前宣政使答里麻失里馳驛迎帝于江陵密以意告河南平章伯顏令備兵備扈從已亥明里董阿至汴梁悉執行省官收諸司印甲辰帝發江陵召鎮南王鐵木兒不花威順王寬徹普化湖廣平章高昌王鐵木兒補化來會執湖廣左丞馬合某倒刺沙見也以別薛代之遣前西臺御史刺馬

黑巴等諭陝西陝西省臺官皆附上都不從殺去使戊申進伯
顏爲河南行省左丞相已酉上都開大都師起其諸王大臣滿
禿阿馬刺台哈海濶濶出等謀應大都事覺倒刺沙盡殺之庚
戌帝至汴梁伯顏等陳兵扈行以阿不海牙代爲河南平章發
平灤民輒遷民鎮禦遼東軍辛亥命燕鐵木兒知樞密院事亦
列出爲御史中丞壬子阿速衛指揮使脫脫木兒帥其軍自上
都來歸命守古北口癸丑上都兵分道入犯脫脫木兒與戰于
宜興縣禽平章乃馬台送京師戮之諸王失刺敗走丙辰燕鐵
木兒奉法駕郊迎丁巳帝至京師入居大內戊午以速速平章
政事曹立爲中書右丞張友諒參知政事伯顏爲御史大夫趙
世延爲御史中丞也速台兒同知樞密院事上都梁王王禪右
丞相塔失鐵木兒太尉不花平章買闕御史大夫紐澤等兵次
榆林九月庚申朔燕鐵木兒督師居庸關遣其弟撒敦擊敗上
都兵于榆林隆鎮衛指揮使幹都蠻以兵襲上都執諸王滅里
鐵木兒脫木赤于陀羅臺歸于京師陝西兵起入河中府殺守
官劫行用庫鈔以應上都太尉不花以兵掠居庸壬戌命高昌
王鐵木兒補化知樞密院事也先捏爲宣徽使徵五衛屯田兵
赴京師調淮西平陽保定兵列營黃河聽策應上都諸王也先
帖木兒平章禿滿迭兒以兵自遼東入遷民鎮諸王八刺馬野
先帖木兒以所部兵入管州丁卯諸王大臣伏闕請帝早正大
位帝曰大兄在朔方以長以德當有天下朕敢紊天序乎燕鐵
木兒固請帝曰必不得已必明著朕意播告中外而後可遣撒
敦拒遼東兵于薊州元帥阿兀刺守居庸關上都兵攻碑樓口
指揮使也速臺兒禦之不克戊辰以明里董阿濶濶台並平章

政事命襄陽萬戶楊克忠鄧州萬戶孫節以兵守武關已鑄御寶成立行樞密院于汴梁以也速台兒知行院事將兵行視太行諸關西擊河中潼關軍括北路民馬以摺疊弩分給守關軍士上都諸王忽刺台引兵攻崞州庚午遣軍民守歸峽諸隘辛未帝常服謁太廟分治叛黨烏伯都刺鐵木哥棄市朶朶王士熙伯顏察兒脫歡等各流遠方壬申帝卽位受朝賀改元大赦詔曰洪惟我太祖肇造區夏世祖混一海宇爰立定制以一統緒宗親各受分地勿敢妄生覬覦斯不易之成規萬世所共守者也世祖之後成武仁英惟公天下之心以次相傳宗王貴戚咸遵祖訓至於晉邸具有盟書願守藩服而與賊臣鐵失等潛通陰謀冒干寶位使英宗不幸罹於大故朕兄弟播越南北備歷艱險臨御之事豈獲與聞朕以叔父之故順承惟謹于今

六年災異迭見權臣倒刺沙等專權自用疎遠勳舊廢棄忠良變亂祖宗法度空府庫以私其黨類大行上賓利於立幼顯握國柄用成其奸宗王大臣以宗社之重統緒之正協謀推戴屬於眇躬朕以菲德宜俟大兄固讓再三宗戚將相百僚耆老咸謂神器不可久虛天下不可無主周王遼隔朔漠民庶皇皇已及三月誠懼迫切朕姑從其請謹俟大兄之至遂朕固讓之心已於致和元年九月日卽皇帝位其以致和元年爲天曆元年可大赦天下於戲朕豈有意於天下哉重念祖宗開創之艱恐隳大業是以勉狗輿情尚賴爾中外文武臣僚協心相予輯寧億兆以成治功咨爾多方體予至意癸酉封燕鐵木兒爲太平王將兵擊遼東軍徵左右兩阿速衛老幼軍赴京師不行者輒乙亥罷會福殊祥二院立太禧院設壽福會福隆禧崇祥四總

管府隸之分奉神御殿祠祭上都梁王王禪兵襲居庸關將士皆潰燕鐵木兒軍次三河丙子王禪游兵至大口燕鐵木兒還軍次榆河帝出齊化門視師戊寅帝諭中外曰近以姦臣倒刺沙烏伯都刺潛通陰謀變易祖宗成憲既已明正其罪凡回鶻種人不預其黨者各安業勿懼有因而扇惑者罪之赦軍中逃歸及京城游民敢攘民財者斬命留守司完京城軍士乘城守禦燕鐵木兒與王禪前軍戰于榆河北敗之追奔至紅橋阻水而陣上都樞密副使阿剌帖木兒指揮使忽都帖木兒以兵會王禪來助戰又敗之庚辰太白犯亢辛巳以別不花知樞密院事依前中書左丞相燕鐵木兒與上都兵復戰于白浮之野敗之脫脫木兒與遼東軍戰于薊州之檀子山王禪等遁崑山州次日收集散亡復來戰敗脫脫木兒前後夾擊又敗之追及

昌平北王禪單騎走甲申慶雲見定各道廉訪官用蒙古二人

畏吾河西回鶻漢人各一人各司書吏以職官教授各路司更鄉貢進士參用御史臺經歷品秩相當者除各道廉訪使都事除副使譯史通事考滿不得除御史靖安王濶不花將陝西兵潛由潼關南水門入分據陝州乙酉以明里董阿平章政事燕不鄰知樞密院事上都兵入古北口分掠石槽燕鐵木兒先遣撒敦倍道趨石槽掩其不備擊之自率大兵繼至轉戰至牛頭山擒駙馬孛羅帖木兒等送闕下戮之脫脫木兒與遼東軍戰薊州南殺獲無算調河南蒙古軍五萬人增守京師臨清萬戶府軍萬三千五百人守益都般陽諸海港丁亥遼東軍抵京城燕鐵木兒拒之募丁壯乘城固守令冀寧晉寧所轄代州雁門關蔚州陽武關嵐州大澗口皮庫口保德州寨底天橋白羊三

關石州塢堡口汾州向陽關隰州烏門關吉州馬頭秦王嶺二
關靈石縣陰地關皆穿塹壘石以爲固戊子上都諸王忽刺台
兵入紫荊關行樞密院十顏幹都蠻指揮使也速臺兒將兵拒
之西臺御史大夫也先帖木耳起兵從大慶關渡河殺河中府
官河東官吏聞風棄城走召雲南左丞相也兒吉尼不至冬十
月己丑朔燕鐵木兒引兵至通州擊敗遼東軍遣脫脫木兒將
兵援紫荊關調江浙兵禦潼關河南兵守虎牢關庚寅燕鐵木
兒與遼東軍夾潞水而陣遼東軍宵遁辛卯以卽位告郊廟社
稷時享之禮改用仲月癸巳忽刺台游兵進逼南城令京城戶
出壯丁一人持兵仗從軍士守城仍於諸門列甕貯水以防火
燕鐵木兒及陽翟王太平國王萊羅台戰于檀子山之曩株其
子唐其勢陷障殺太平次者蔽野甲午脫脫木兒章吉斃也先

捏合擊上都兵于良鄉轉戰至盧溝橋乙未燕鐵木兒率軍

北山西趣良鄉時諸將與忽刺台阿刺帖木兒戰于盧溝橋聲
言大軍至上都兵潰遣使頒詔至陝西省臺官毀詔械使者送
上都湘寧王八刺失里引兵入冀寧赦萬戶和尙將兵由故關
援之殺獲甚衆會上都兵大至和尙退保故關冀寧遂破戊戌
調湖廣平章乞住以兵守歸峽左丞別薛守八番以備四川軍
諸將追阿刺帖木兒至紫荊關獲之送京師棄市平章禿滿迭
兒引遼東軍復入古北口燕鐵木兒與戰于檀州南敗之走還
遼東辛丑以脫脫木兒知樞密院事亦列赤爲御史大夫齊王
月魯帖木兒東路蒙古元帥不花帖木兒以兵圍上都倒刺沙
等奉寶出降梁王王禪遁遼王脫脫被殺上都平壬寅以也先
捏知行樞密院事章吉爲行院副使與知院事也速台兒等將

兵西擊潼關也先鐵木耳軍至晉寧本路官皆遁甲辰罷晉邸
及遼王所轄路府州縣達魯花赤選流官代之丙午赦凡有罪
者既籍其家妻子並免入官丁未以欽察台平章政事珙璐不
花爲御史中丞以度支經用不足權停諸王駙馬宿衛官及內
侍宮人歲給芻豆陝西兵至鞏縣黑石渡遂據虎牢進薄武關
庚戌帝御興聖殿齊王月魯帖木兒奉上皇帝寶劍刺沙至京
師下之獄詔罷內郡兵江浙兵往潼關者仍還鎮辛亥雲南樞
里路土官刁賽銀羅甸土官哀贊等來貢癸丑燕鐵木兒辭知
樞密院事命其叔蒙古元帥不花帖木兒代之覈上都倉庫錢
穀甲寅罷徽政院改立儲慶司湘寧王八剌失里趙王馬札罕
諸王忽刺解承上都命各起兵南侵冀寧還火馬邑元帥也速
答兒執送京師也先鐵木耳此也武關入鄧州河南大震丁巳毀顯宗室升順宗右穆第二室
成宗右穆第三室武宗右穆左昭第三室仁宗右穆左昭第四室
英宗右穆第四室戊午奪上都官吏符印制敕盜殺太尉不
花有司論盜當抵法帝以不花不道衆所共知宥盜死十一月
己未重給內外百司印命太保伯答沙總兵北邊給遼東降軍
行糧遣還民間子女被掠者令追理完聚庚申汰近歲白身爲
官者辛酉也先捏兵至武安也先鐵木耳以軍降河東州縣盡
殺僞署官吏癸亥帝宿齋宮甲子服袞冕享太廟辛未鐵木哥
兵入襄陽知縣谷庭珪主簿張德歿之癸酉雲南土官元江普
山姚州高明威楚路罷放九十九寨必也姑等各來貢甲戌安
置泰定后及二妃于東安州杖諸王失刺流之遠方丁丑荆王
也速也不干傳檄至襄陽鐵木哥引兵走庚辰遣使奉迎周王

于漠北以敬儼平章政事徹里帖木兒為中書左丞瑛瑤不花
 為右丞癸未倒刺沙伏誅磔其尸王禪亦賜死馬某沙紐澤撒
 的迷失也先鐵木耳等皆棄市甲申命威順王寬徹普化還鎮
 湖廣罷行宣政院及行都水監左丞相別不花罷十二月己丑
 朔以天壽節禁屠宰詔海舶至福建博易者江浙行省選廉吏
 征其稅丙申史訛幸大崇恩福元寺謁武宗神御殿竄也先捏
 于南寧庚子大赦追賜諸王滿禿為果王阿馬刺台為毅王濶
 濶出等十七人並賜功臣號命有司刻其功于碑陝西省臺官
 焚毀詔書坐常流以赦故永不錄用辛丑立龍翊侍衛親軍都
 指揮司分掌欽察軍設內宰司隸儲慶司罷中瑞司乙巳加伯
 顏太尉與亦列赤並為御史大夫戊申加伯顏太保知樞密院
 事甲寅復遣侍御史撒迪內侍不顏禿古思奉迎周王于漠北

丁巳以徹里鐵木兒轉中書右丞躍里鐵木兒為左丞趙世安
 察知政事戊午免被兵郡縣雜役弛山場河梁禁私貸者俟秋
 成責償許蒙古色日人居喪守制是月復召雲南也兒吉尼又
 不至加諡唐司徒顏真卿正烈文忠公陝西自泰定二年至是
 不雨大饑民相食杭州鎮江池州等路水沒民田萬四千餘頃
 河北山東有年

天曆二年己巳春正月己未朔立都督府總左右欽察及龍翊
 衛軍庚申遣太府太監沙刺班奉金幣赴周王行在辛酉命高
 昌王鐵木兒補化為左丞相王毅平章政事欽察台知樞密院
 事燕鐵木兒為御史大夫甲子太白犯壘壁陣辛未封知樞密
 事火沙為昭武王朶列帖木兒復為楚王甲戌復鹽制每四百
 斤為引引為鈔三錠丁丑滅鷹坊等食

按鷹鵲獅豹之食舊文
 肉價二百餘錠近增至

續通志卷九

萬三千八百錠塔鶴舊止六百二十

戶今增至二千四百戶故從減汰

長為御史中丞以阿不海牙平章政事壬午贈緱山處士杜瑛

為翰林學士諡文獻癸未遣宣靖王買奴往周王行在丙戌別

王即位于和寧是為明宗二月庚寅命燕鐵木兒復為右丞相辛卯

立妃弘吉刺氏為皇后帝御殿受朝賀廣西思明路總管黃克

順來貢癸巳遣翰林侍講學士曹元用祀孔子于闕里辛丑追

尊皇妣唐兀氏曰文獻昭聖皇后雲南蒙通蒙算甸開南銀沙

羅甸等土司各入貢己酉癸感犯井辛亥合肥縣地震壬子命

有司造行在帳殿甲寅立奎章閣學士院于興聖殿西命儒臣

進講經史設羣玉署藝文監隸之復設藝林庫廣成局隸藝文

監輟耕錄云奎章閣為屋三間南間以藏物中間諸官入直所

北間南向設御座左右列珍玩初名奎章閣隸東宮後升為

奎章閣學士院置羣玉內司掌秘玩古物藝文監檢校書籍鑿

書自製曲宴記命更鑄鈔板毀其刻者三月辛酉遣燕鐵木

兒奉皇帝寶詣行在復命有司資金千五百兩銀七千五百兩

幣帛四百匹金腰帶二十副以備賜予癸亥命造乘輿服御北

迎大駕攻潛邸所幸諸路名建康曰集慶江陵曰中興瓊州曰

乾寧潭州曰天臨戊辰雲南諸王答失不花等數丞相也兒吉

尼專擅十罪將殺之也兒吉尼遁入八番答失不花偽署參政

等官已巳建大龍翔集慶寺給鈔萬錠丁丑帝母文獻昭聖皇

后神御殿月祭命如列聖故事夏四月癸卯行在遣武寧王徹

徹禿來錫命立帝為皇太子丙午占臘國貢羅香木及象豹白

猿戒諸王分邑達魯花赤受代不得仍畱官所其父兄所居官

員

員

員

員

員

員

員

員

員

子弟不得再任辛亥賑邵州通州被兵民所俘子女命遼陽行
省簿錄完聚河南陝西諸路饑名商入米中鹽行入粟補官令
并括江淮僧道餘糧五月丁巳朔遣翰林學士承旨阿鄰帖木
兒北迎大駕庚申太白犯鬼甲戌命中書省擬注中書六部官
奏于行在丙子改儲慶司為詹事院丁丑皇太子發京師北迎
戊寅次大口庚辰次香水園六月丁亥朔鐵木兒補化以早乞
避相位諭曰皇帝遠在沙漠未能卽至是以暫攝大位今亢陽
為虐皆予闕失所致汝其勉盡職業祇修實政以上答天變仍
命馳奏行在丁未太白晝見庚戌次于上都之六十店辛亥賜
岐陽書院額祀周文憲王仍設學官春秋釋奠秋七月丙辰朔
日食丁巳次上都之三十里店己未更定遷徙法驗所居遠近
以千里為率在道遇赦者得放還再犯者徙本省不毛之地本
犯灰妻子聽歸癸亥太白經天辛巳令諸王封邑達魯花赤擇
本部年二十五以上識治體者補充冒濫者罪及王傳八月乙
酉朔行在次于盱忽察都之地皇太子入見宴太子及諸王大
臣于行殿庚寅暴崩太子入臨哭盡哀燕鐵木兒傳皇后入不
沙命奉寶璽授太子遂還綱目云有謂燕帖木兒初上璽綬明
而明宗暴崩燕帖木兒聞哭聲卽
奔入帳中取寶璽扶帝上馬南馳壬辰命伯顏為左丞相欽察
台阿兒思蘭海牙趙世延並平章政事朶兒只為右丞阿榮趙
世安並參知政事塔失鐵木兒知樞密院事鐵木兒補化鐵木
兒脫並為御史大夫癸巳皇太子至上都乙未流諸王忽刺出
于海南己亥復卽位大赦詔曰朕惟太祖肇造帝業列聖相承
世祖既大一統卽建儲貳惜我祿皇天不假年成宗入繼纔十
餘載我皇考武宗歸膺大寶克享天心志存不私以仁廟居東

宮遂嗣宸極甫及英皇降制我家晉邸違盟構逆據有神器天示譴告竟隕厥身於是宗戚舊臣協謀舉義正名討罪揆諸統緒屬在眇躬朕興念大兄播遷朔漠以賢以長曆數宜歸力拒羣言至於再四乃曰艱難之際天位久虛則衆志弗固恐墮大業朕雖從請秉志不移是以固讓之詔始頒北迎之使隨遣尋奉寶璽遠逝于途受寶卽位之日卽遣使授朕皇太子寶朕幸釋重負實獲素心乃率臣民前迎大駕而先帝跋涉山川蒙犯霜露道里遼遠自春徂秋懷艱阻于歷年望都邑而增慨徒御弗愼屢爽節宣信使往來相望道路彼此思見交切於懷八月一日大駕次王忽察都朕欣瞻對有期兼程先進相見之頃悲喜交并何數日之間而宮車弗駕國家多難遽至于斯念之痛心以夜繼且諸王大臣復謂祖宗基業之隆先帝付托之重天

命所在誠不可違請卽正位以安九有朕以先皇奄棄方新摧怛何忍銜哀辭對因請彌堅執誼伏闕者三日皆爲宗社大計乃以八月日卽位于上都可大赦天下於戲戡定之餘莫急乎與民休息丕變之道莫大乎使民知義惟爾中外大小臣工各究乃心以稱朕意時帝再卽位庚子命阿榮趙世安督造建康龍翔集慶寺且命臺臣監工癸卯幸世祖所御幄殿祓祭遣欽察台還京師經理政務燕鐵木兒留上都監給恩賚金幣已酉車駕發上都庚戌復改詹事院爲儲政院以衛候司及江淮財賦諸色民匠二總管府隸之甲寅前丞相別不花潛與日者推測聖算命安置集慶九月乙卯親市故宋太后全氏田爲大承天護聖寺永業改太禧院爲太禧宗禱院辛酉命凡往行在所送寶官吏越次超升者皆從

奎章閣輯本朝典故準唐末會要名經註大出長定作者類
詔赦率日行三百里既受命而羣臣三日或聖宴飲稽期皆
治罪取賂者以枉法論甲戌廢舊恩賜州黃銀三萬兩於路
哀放罷放本邦路渾都各遣子來貢丙子立溫州路於本場
也先捏以不忠不敬伏誅癸未建廟一廟一聖皇廟於本場
十月甲申朔帝服袞冕享大廟辛卯立元江官獄司于雲南田
午敕朝官以三十月為一考外任以三年為一考風憲官不
得越制遷調丙申命江西蘇廣分繕米四萬石以賑江浙
乃賜天妃廟額曰靈慈加上大行皇帝諡曰世宗憲皇帝
嘗得以致其讓廟必有主歿思所以尊其名稽古考文宣天錫
誅欽惟先皇帝夙秉勇智惟時元良體得太子成言避謳歌而
逃出雖身居絕域多歷於歲年而義動人樂為之先後德威
發戴爰戡定以奉迎已謹清宮俄虛黃屋臣民寡祐永遺惠澤
之敷施天日有靈尙想神明之如在禮嚴升祔誠備顯揚謹奉
玉冊玉寶上尊諡曰翼獻景孝皇帝廟號明宗伏冀睿慈俯鑒
欽假克綏丕祚垂裕無疆見元文獻
虞集撰壬寅大寧路地震命諸王
公主官府寺觀賜田悉輸租於官給鈔以贖其直癸卯改瓊州
安撫司曰乾寧安撫司升定安縣為南康州以土人王官知州
事甲辰徵采采王士熙等十二人于貶所放還鄉里追封三寶
奴為鄂城王諡榮敏庚戌以親祀太廟禮成詔天下罷大承天
護聖寺工役囚在獄三年疑不決者釋之免民間拖欠官錢無
可追徵者大都至上都諸驛供給繁重悉官為應付免徵奉元
路商稅并各處煎鹽竈戶雜役申私宰馬牛禁十一月丙辰詔

列聖諸宮后妃陪從之臣永給衣廩芻粟戊午特命朵耳只亦

都護為河南行省丞相近制行省不設丞相帝以其先朝舊臣不拘此例癸亥以濶徹

伯知樞密院事位居眾知院上罷功德司入宣政院己巳以撒

迪為中書右丞癸酉太陰犯填星丁丑造青木棉衣萬領賜圍

宿軍舊制大朝會時皇城外皆無牆垣故用軍環繞名曰圍宿後相承用之十二月丙戌詔百官

言朝政得失錄听上章疏善者即行庚寅定風憲官赴任毋拘

遠近均給驛辛卯詔諸僧寺田當輸租者仍免役僧還俗者聽

復為僧己亥加封大都城隍神為護國保寧王加謚漢長沙王

吳芮為長沙文惠王壬寅命江湖印佛經二十七藏甲辰罷上

番巡捕都元帥府以玘璐不花為御史大夫兼領隆祥府事辛

亥改上都饅頭山為天曆山壬子繼武宗御容成印神御殿作

佛事赦凡階開府儀同三司者班居一品上是歲陝西饑民百

二十三萬餘口河南餓死者三千餘人山東饑民六十七萬

千戶賑鈔百三十四萬九千六百錠糧二十五萬一千七百餘

石討平四川囊加台雲南諸王禿堅之亂滇蜀悉定

至順元年庚午春正月丁丑遣使賫黃金二千兩詣杭州書佛

經已卯封太醫院使野理海牙為秦國公辛巳改大都田賦提

舉司曰宣農荆襄提舉司曰濟農香戶平江提舉司曰善農加

封秦蜀郡太守李冰為聖德廣裕英惠王其子二郎神為英烈

昭惠靈顯仁祐王綱鑑大全云冰為郫守擊難唯以瀛民田二沃野千里而無水患號為陸海蜀人德之二

月壬午朔以趙世安為御史中丞史惟良為中書左丞雲南麓

川蒲蠻來貢丁亥命富民輸粟補官江南萬石者官正七品陝

江南五千石者從七品自餘品級有差四川富民輸粟赴江陵者依河南例其不願仕乞封父母者聽僧道輸已粟者許加師號庚寅命奎章閣譯國朝典章為漢語入經世大典趙世延虞

文宗

集等專任纂修舊文又有二月虞集等辭職帝曰昔我祖宗睿

知聰明其於致治之道自然生知朕以統緒所傳實在敢躬夙

夜憂懼自維早歲跋涉艱阻既乏生知之哲於國家治體豈能

周知故立奎章閣置學士員日以祖宗明訓古昔治亂得失陳

說於前使朕樂於聽聞卿等其悉所學以稱朕意勿復再辭王

辰籍張珪子五人家產自庚寅至甲午京師大霜晝零丁酉帝

及皇后皇子與明宗皇子並受佛戒乙巳封明宗子懿璘質班

為卿王平章朶兒失以罪免丁未命伯顏知樞密院事依前太

保錄軍國重事帝以燕帖木兒有大功欲獨相以尊異之諭省

臣曰昔世祖嘗以宰相一人總庶務故政治出于一今燕鐵木

兒為右丞相伯顏既知樞密院事左丞相其勿復置戊申以虞

采為奎章閣學士敕正旦天壽節內外諸司贊獻仍如舊進辛

亥以屯田子粒錢萬錠助建佛寺市故瀛國公趙鼎川緡大龍

翔集慶寺御史臺言不必予直帝曰吾建寺為子孫黎民計若

取人田而不予直非朕志也行樞密院言戊雲南軍逃歸捕獲

法當死帝曰非臨陣而逃輒當以死何視人命之易邪其杖而

流之三月戊午封皇子阿剌忒納答刺為燕王徙封濟陽王本

楠子為吳王吳王潑皮為濟陽王命彰德路歲祭羨里周文王

祠己巳以明宗升祔序英宗上親順宗成宗廟遷例甲戌封諸

王速來蠻為西寧王夏四月壬午朔立益都廣農提舉司括益

都般陽寧海閑田十六萬二千九十頃賜大承天護聖寺宰並

明宗后八不沙崩蓋皇后諫殺之也己酉徙明宗長子妥懽帖睦爾于

高麗帝即順五月戊午羣臣上帝尊號曰欽天統聖至德誠功大

文孝皇帝是日收元至順詔天下丁卯英宗實錄成辛未置宣

忠扈衛親軍都萬戶府總幹羅斯軍以亦列出平章政事甲戌
八番乖西斛苗侵邊詔樞密院分兵討之乙亥置順元宣撫司
統答刺斥軍六月辛巳朔河決大名庚子知樞密院事濶徹伯
脫脫木兒通政使只兒哈郎翰林學士教化的中政使尚家奴
謀殺燕帖木兒事覺並伏誅秋七月辛亥封諸王按渾察爲廣
寧王通渭山崩壓民舍乙丑以也兒吉尼知樞密院事庚午歲
星犯氏中書省言近歲帑廩虛空其費有五曰賞賜曰作佛事
曰創立衙門曰冒濫支請曰續增衛士鷹坊詔與院臺同如汰
減丁丑福州王薦以隱逸旌其門閭月庚辰朔封諸王卿澤爲
水寧王辛卯以脫亦納察知政事趙世延以年老罷癸巳發鈔
萬錠分賜天曆初諸王羣臣死事之家戊戌封甘肅平章乃馬
台宜寧郡王駙馬謙只兒那國公戊申加封孔子父齊國公叔

梁紇爲啓聖王母魯國太夫人顏氏爲啓聖王夫人制曰闕里
有家系出神明之胄尼山請禱天啓聖人之生朕聿觀人文敦
求往哲惟孔氏之有作集羣聖之大成原道統則堯授舜傳之
周文王論世家則契至湯下逮正考父其明德也遠矣故生知
者出焉有開必先克昌厥後如太極之生天地如鉅海之有本
源雲仍既襲於上公之封考妣宜視夫素王之爵於戲君子之
道考而不謬建而不悖於以敦典而敘倫宗廟之禮愛其所親
敬其所尊正以報功而崇德尙篤其慶以相斯文見元文類發
成都沙糖戶三百人防遊敘州八月辛亥遣太禧院監蔚州廣
靈縣銀鑛歲入歸大承天護聖寺甲子烏蒙土官阿朝忠州土
官黃祖顯各遣子來朝戊辰太白犯氏壬申詔裁汰衛士定大
法薛每宿衛不過四百人累朝宿衛十各不過二百人鷹坊萬
四千二十四人減去四百人內襄九百九十九人四怯薛當留者

續通志卷九
文宗

各百人累朝舊邸宮分養人三千二百二十四人當
留千一百二十人勝臣快麟口共萬人當留六千人其汰去者
斥歸土著應役有容匿漢南高麗人及奴隸濫充者快薛官與
其長各杖沒家貲之半九月庚辰罷入粟補官例大寧路地震
已丑熒惑犯鬼辛卯監察御史葛明誠劾遼陽平章哈刺鐵木
兒前經坐贓被杖王文若劾嶺北平章哈八兒秃鄙俚無知並
從其言罷黜癸巳白虹貫日置麓川路軍民總管府復立總管
府于哈刺火州甲午熒惑犯鬼積尸氣史惟良辭歸賜鈔三百
錠建五福太一宮于京城乾陽每歲四祭丁未以張友諒為中
書左丞冬十月戊申朔飭衍聖公崇奉孔子廟事壬子立宣忠
扈衛親軍都萬戶營于大都戊午帝致齋大明殿庚申出次郊
宮辛酉帝服大裘袞冕祀昊天上帝于南郊以太祖皇帝配禮
成赦天下自世祖至是凡七世有大禮甲戌赦累朝宮分官

者凡文移無得稱皇后止稱某位下娘子其委用官屬並由中
書擬奏元制每朝自正宮外率多稱皇后太祖光獻皇后外稱
皇后者四幹耳梁共二十一位太宗憲宗各五位世祖
自順聖皇后外四幹耳梁共七賜伯夷叔齊廟額曰聖清歲春
秋祀以少牢制曰蓋聞古者伯夷叔齊逃孤竹之封甘首陽之
餓讓爵以明長幼之序諫伐以嚴君臣之分可謂行義以達道
殺身以成仁者也昔居北海之濱遺廟東山之土休光垂乎千
載餘澤被於一方永懷孤峻之風庸示褒崇之典於戲去宗國
而辭周粟曾是列爵之可縻揚義烈以激清塵期於世教之有
補見元文類十一月辛巳陝西左丞怯烈坐受人僮奴及鸚鵡
御史臺論如律帝曰位至尊執食國厚祿猶受人生口罪固宜
也至以鸚鵡微物論賊失之苛嗣後凡饋禽鳥者勿以賊論甲
申熒惑退犯鬼丙戌太白犯壘壁陣樞密院請依舊制全給鷹

坊芻粟帝曰國用皆百姓所供當量入爲出朕豈以鷹坊失所
重困吾民哉不從辛卯以濶濶台知樞密院事兼大都留守辛
丑徵河南民自實田糧不通舟楫者許以鈔代十二月己酉以
董仲舒從祀孔廟定國子生積分及等者省臺集賢院奎章閣
官同考試中式者依等第授官不中者復入學肄業辛亥立燕
王阿剌忒納答刺爲皇太子癸亥恩州諸王按灰生擊傷巡檢
官杖之謫還廣寧王所部充軍甲戌赦各行省凡遇邊防有警
許便宜發兵是歲汴梁大名等路饑民六十七萬七千戶各給
米鈔安豐廬州饑以兩淮鹽課鈔賑之

二年辛未春正月己卯加大承天護聖寺僧寶峯壇主嚴吉祥
爲司徒癸未立侍正府以總近侍遣官按行北邊牧地丁亥以
晉邸部民二萬四千餘戶隸壽安山大昭孝寺爲永業戶辛卯

皇太子阿剌忒納答刺薨葬山陵甲辰敕建孔子廟于後衛

乙巳監察御史劾本臺中丞和尙受婦人爲賂御史臺劾福建

宣慰使哈只燕南廉訪使卜咱兒貪污奎章閣叅書雅琥阿媚

權臣詔以赦前並禁錮元籍御史萬家固嘗薦和尙脫脫嘗舉

卜咱兒並連坐封蒙古巫者所奉神爲靈感昭應護國忠順王

號其廟曰靈祐二月戊申立廣教總管府掌僧尼之政曰京畿

河東山右道遼東山北道河南荆北道兩淮江北道湖北道

道浙西江東道浙東福建道江西廣東道廣西兩海道又燕南

山東陝西甘肅四川府設達魯花赤同知判官各一員宜政院

選流內官擬注總管則以僧爲之四川懷德府驢谷什用田先

什用等及生蠻十二洞內附升其府爲宣撫司諸洞各設長官

已酉白虹貫日壬子太白晝見以伯撒里平章政事朶兒只班

叅知政事高履亨許有壬並叅議省事乙卯太白犯昴壬申雲

南景東甸蠻官阿只弄遣子獻馴象升甸為景東府常賦外歲

增輸金五千兩修上都洪禧崇壽殿三月丙子朔癸惑犯鬼丙

戌雨土霾司徒香山陳符識請頒告中外不允

香山言胸弘景胡笳曲有負辰

飛天曆終是甲辰君之語陛下生年紀號適合此實天命之符

翰林諸臣謂唐開元間太子賓客薛讓進武后鼎銘云上天降

監方建隆其為元宗受命之符姚崇表賀宋司馬光斥其采偶

合之文為符瑞乃小臣之諂而宰相實之是係其君也今從其

言恐啓識緯之端非 順聖皇后曰睿壽喃必皇后曰懿壽裕宗曰明壽成宗曰廣壽

順宗曰衍壽武宗曰仁壽皇妣昭聖皇后曰昭壽仁宗曰文壽

英宗曰宣壽明宗曰景壽御史臺劾大都總管劉原仁僥倖巧

宦工部尚書蘇炳性行貪邪詔罷其職壬寅析欽察為左右二

衛癸卯以儒學教授聽選者多凡仕由內徭江淮者注江西江

浙湖廣由陝西兩廣者注福建由甘肅四川雲南福建者注兩

廣夏四月丙午朔全寧民王脫歡獻銀鑕詔設銀場提舉司隸

中政院庚戌頒天曆初兵興功賞帝曰燕鐵木兒首倡大義躬

擐甲胄伯顏在河南先誅攜貳使朕道路無虞兩人功無與比

其賞不可與眾同加賜七寶腰帶金帛真定武陟縣地震逾月

不止戊午命興和建屋居海青上都建屋居鷹鵠甲子平章欽

察台獻名園給鈔千錠酌其直御史張益劾欽察台在英宗朝

陰與中政使咬生造謀誣告反覆不可信用詔奪職禁錮廣東

且降旨獎益直戊辰奎章閣以修經世大典請從翰林國史院

取脫卜赤顏一書

即今之起居注

紀累朝故事學士承旨押不花言此

秘禁國書非可令外人傳者不與詔以泥金畏吾字書無量壽

佛經千部并大乘經一藏敕在京百司日集公署日晨及暮毋

廢事五月丁丑癸惑犯軒轅左角丙戌諭太禧宗禋院汰僧徒

累朝所建大萬安等十二寺舊額僧三千一百五
十人歲給衣糧今其徒猥多法去九百四十三人
巳丑置雲南
孟定孟育蘆傳三路總管府者線蒙慶甸銀沙羅等甸並為軍
民府孟併孟廣者樣等甸並設長官司皆土人為之癸巳威楚
路蒲蠻猛吾來朝願入銀為歲賦詔置散府一及土司三十三
所甲午太白犯畢以平江官田五百頃立稻田提舉司隸宮相
都總管府乙未以脫別台知樞密院事纂修經世大典成丙申
八番西蠻官阿馬路入貢庚子太陰犯太白辛丑太白經天甲
辰改阿速萬戶府為宣毅萬戶府六月乙巳朔徵儲政院鈔三
萬錠給中宮道路費丁未太白晝見乙卯御史陳良劾江湖廉
訪使脫脫赤顏私收父妾冒封詔罷職追還封制癸亥定辭訟
起減由已者罪加常人一等免控鶴衛士當驛戶丁卯太陰犯
畢太白犯并集賢大學士吳澄卒特徵河南儒士吳炳為藝文

監典籍秋七月甲戌朔從藝文少監歐陽玄言改給衍聖公銀

印海南黎蠻作亂時建大興龍普明寺于海南工壬辰命脫別

台為御史大夫乙未立閔子書院于濟南丁酉調甘州兵守參

十郎以防上番戊戌封伯顏為浚寧王八月甲辰朔日食封脫

憐忽脫魯為靖恭王沙藍朶兒只為懿德王丙史怯烈該為豐

國公甲寅御製上都孔子廟碑乙卯太白犯軒轅大星巳未丙

侍撒里不花坐巫懋事杖流海南庚申太白犯軒轅左角九月

癸酉朔築駐蹕臺于大承天護聖寺東御史臺劾四川參政馬

鎔冒借俸鈔娶妾且詬訐平章汪壽昌帝曰綱常之理尊卑之

分惜無所知其何以居上嚙下可亟罷斥之又言江西參政李

允中乃宦者李邦寧養子不堪任重選並削籍丙子太白犯垣

星海南賊王周糾十九洞黎蠻作亂命湖廣左丞移刺四奴討

之癸巳罷供需府覆實司改立廣誼司禁諸驛毋畜竄行馬冬
十月丁巳以江浙平江等路水傷稼減明年海漕米遣官赴通
鄆陵滄四州和糴粟豆以足國用乙丑立昭功萬戶都總府丙
寅命大都路定時估每月朔望送廣誼司以酬物價十一月壬
申朔日食詔四川給鹽雲南啖馬亦奚不薛之地所收官馬歲
給鹽以每月上寅日啖之則
馬健無病比因亂雲南無丙子封諸王幹卽為保寧王燕班為
鹽馬多死故令四川給之
顯國公以耿煥察知政事癸未帝養燕鐵木兒之子塔刺海為
子賜居第詔每歲遣樞密院宗正府官巡察遼陽諸郡毋令諸
王所部擾民辛卯定諸鹽課鈔以十分之一收銀銀每錠五十
兩折鈔二十五錠十二月戊申西臺御史高垣劾御史陳良道
勢蔑法有旨奪其敕命以黃金符鑄文曰翊忠狗義逆節同勳
賜都指揮使欽察旌其天曆初紅橋戰功壬子復命諸王忽刺
出還鎮雲南癸丑定諸職官父母在者三年聽給定省假無父
母者五年聽給拜墓假各計道里遠近立限期其匿而不省覲
者坐以罪丁巳雨木冰辛酉遣官詣各道錄囚是歲徙委權貼
睦爾于廣西之靜江發通州官糧賑檀順昌平民九萬餘戶出
山東鹽課鈔賑益都民三萬餘戶博興州民九千戶
三年壬申春正月己卯廣西羅偉里叛寇馬武冲等合龍州嶺
北朗龍洞韋大蟲攻陷那馬達那馬安等砦壬午加封孔子妻
耶國夫人拜官氏為大成至聖文宣王夫人制曰我國家惇典
禮以彌文本闡門以成教迺瞻素王之廟尙虛元媿之封有其
舉之斯為盛矣大成至聖文宣王妻拜官氏來嬪聖室垂裕世
家邊豆出房因流風於殿禮琴瑟在御存燕樂於魯室功言邈
若於遺聞儀範儼乎其合德作爾禕衣之象稱其命鼎之銘噫

秩秩彝倫吾欲廣關雎鵲巢之化皇皇文治天其典河圖鳳
之祥可特封大成至聖文宣王夫人見元文類諸王章吉獻

羅思百七十人酌鈔五千錠庚子萬安軍黎蠻王奴羅寇陵水
縣夔路忠信寨洞主阿其什川寇施州二月辛丑朔詔修曲阜

宣聖廟命四川轉運鹽司兼邛州鹽井邛州有二井宋舊名曰

地震鹽水湧溢州民頗作三月庚午朔發鈔萬錠給蒙古孤貧

什器煮鹽輸課故令兼管人巳丑復立功德司及典瑞司掌中宮歲作佛事癸巳改皇子

古刺答納名曰燕帖古思乙未帝師泛舟高粱河調衛士三百

人挽舟夏四月壬寅四川師曠散毛盤速出三洞蠻野王等大

盤洞謀者什川等來貢戊午命奎章閣譯貞觀政要鈔板印賜

百官五月巳巳勅從撒迪請備錄帝因讓奏答及訓救辭命續

蒙古脫卜赤顏一書置之奎章閣癸酉癸惑犯東井戊寅京

師地震戊子遣使往帝師所居撒思吉牙音牙之地以珠織

制書宣諭其屬仍分給鈔幣庚寅置山東益都金銀銅鐵提舉

司壬辰從太常博士王瓚言禁加封淫祠丁酉白虹並日出長

竟天追封顏子父顏無繇為杞國公諡文裕母齊姜氏為杞國

夫人諡端獻妻宋戴氏為宛國夫人諡貞素六月巳亥朔給還

朶朶王士熙脫歡等家貲並聽錄用巳酉以趙世安為中書左

丞乙丑從御史陳思謙言奪情起復之禁秋七月戊辰朔命

僧于鐵幡竿修佛事施金百兩銀千兩鈔萬錠壬午江西行省

造螺鈿几榻遺燕鐵木兒詔賜匠者帛八月乙巳天鼓鳴于東

北丙午遣官祭社稷每歲上戊之典秦定丁未有事于太廟巳

酉隴西地震帝崩于上都壽二十九癸丑葬起輦谷元統二年

正月巳酉上尊諡曰聖明元孝皇帝廟號文宗國語曰札牙篤

皇帝三月己酉祔于太廟順帝本紀作四月己卯後至元六年以帝謀不軌使明宗飲恨而終詔除其廟主

冊曰應變戡亂莫匪爾勞璽綬雖去太阿已操前車所鑿燭影斧聲從來疑案多在弟兄

寧宗皇帝諱懿璘質班明宗次子也母皇后乃繼眞氏明宗有子二人長妥懽帖睦爾次即帝文宗天曆二年封帝爲郕王文宗崩右丞相燕鐵木兒請立皇子燕帖古思皇后導揚木命申文宗固讓初志欲傳位明宗子時妥懽帖睦爾居靜江帝以文宗所眷愛獨留京師於是燕鐵木兒請立帝遣使徵諸王會京師甲寅中書省奉中宮旨預備大朝會賞賜金帛等物九月丁丑填星犯太微垣左執法辛巳修皇太后儀仗是夜地震有聲十月庚子帝即位大赦詔曰洪惟太祖啓闢疆宇世祖統一萬

方列聖相承法度明著我皇祖入纂大統修舉庶政動合成法授大寶位于仁宗傳及英宗曆數之歸實有攸屬我皇考及大行皇帝各以播越遼遠時則有若燕鐵木兒建義効忠戡平內難以定邦國協恭推戴大行皇帝登極之始卽以讓兄之詔明告天下隨奉璽紱遠迓皇考朔方言還奄棄臣庶大行皇帝薦正宸極仁義之至視民如傷恩澤旁被無間遠邇頌育眇躬允篤慈愛賓天之日皇后傳顧命謂聖體孱留益推固讓初志以宗社之重應屬大兄世嫡乃遣使召諸王宗親來會大都同奉遺詔揆諸成憲宜御神器以至順三年十月日卽位大明殿可改天下於戲肆予冲人託天下區民之上任大守重若涉淵永衛賴宗王大臣百司庶府交修乃職思盡厥忠嘉與德光之民共保承平之治時帝年七歲政務咸啟中宮取進止辛丑以

撒敦為御史大夫撒迪平章政事濶里吉思為右丞禿兒哈鐵
 木兒知樞密院事復立徽政中政二院作兩宮幄殿車乘供張
 已酉太白犯斗敕諸王駙馬大臣及省院臺秩正二品百司秩
 至一品者闕門內許施繩床以坐丙辰命江浙省範銅造宣聖
 廟祭器凡百三十五事十一月壬申命鄭王徹徹禿鎮遼陽戊
 寅尊皇后曰皇太后御興聖殿受朝賀壬辰帝殂甲午葬起輦
 谷後至元四年三月辛酉上諡曰聖嗣孝皇帝廟號寧宗四
 月乙酉耐于太廟順帝紀作至元三年事

續弘簡錄卷九終

續弘簡錄元史類編卷之十

皇清詹事府少詹事仁和邵遠平戒山學

天王八

順帝諱妥懽貼睦爾明宗庶長子也初太祖取西北諸國有河
 爾斯蘭者舉國來降太祖封為郡王俾領其部族明宗北狩過
 之納其女罕祿魯氏名邁來迪以延祐七年四月丙寅生帝于
 北方有云帝本瀛國公所生明宗過其地乞以為子并載其母邁來迪以歸者文宗至順元年明宗
 后八不沙被讒遇害乃以帝乳母夫言明宗在日素謂長子非
 已子命翰林書其事於史館遂徙帝之高麗令居大青島中不
 與人接鬪一載復召奎章閣學士虞集使書詔播告中外再移
 帝于廣西之靜江三年八月文宗崩燕鐵木兒請立文宗子燕
 帖古思文后不從乃立帝弟懿璘質班在位二月殂燕鐵木兒

復請立燕帖古思后曰吾子尙幼當大禡恐不在妥懼貼睦爾
在廣西今年十三矣且明宗長子義當立命中書右丞闕里吉
思迎帝于靜江至良鄉具鹵簿迓之燕鐵木兒既見帝並轡徐
行具陳所以迎立意帝幼且畏之一無所答燕鐵木兒以帝意
難測尼之適太史亦言帝不可立立則天下亂以故議未決遷
延者數月國事皆決於燕鐵木兒啓中宮取進止俄而燕鐵木
兒歿后乃與大臣定議立帝且與帝約曰萬歲後其傳位於燕
帖古思若武仁故事癸酉夏六月己巳帝卽位於上都詔曰洪
惟太祖皇帝受命於天肇造區夏世祖皇帝奄有四海治功大
備列聖相傳不承前烈我皇祖武宗入纂大統及致和之季皇
考明宗遠居朔漠天曆皇帝戡定內難讓以天下不幸皇考賓
天天曆復正宸極治化方隆奄棄臣庶今皇太后召大臣燕鐵
木兒伯顏等曰昔瀾徹伯脫脫木兒只兒哈郎等謀逆以明宗
太子爲名又先爲入不沙始以妒忌妄構誣言疎離骨肉逆亂
等旣正其罪太子遂遷于外先帝後知其妄尋至大斲頤命有
曰朕之大寶其以兒子繼之時以朕遠在南服奉朕弟懿璘質
班登大位以安百姓乃遽至大故皇太后體承先帝遺意謂朕
武宗之元孫明宗之世嫡以賢以長在予一人遣使迎還徵集
宗室諸王來會合辭推戴今念皇太后勉進之篤宗親大臣懇
請之殷以至順四年六月日卽皇帝位可大赦天下於戲惟天
惟祖宗全付予有家慄慄危懼若涉淵冰罔知攸濟尙賴宗親
臣鄰交修不逮以底隆平辛未命伯顏爲太師右丞相仍設左
丞相以太傅撒敦爲之命諸官不得兼領三職秋七月己亥太
陰犯房八月壬申立燕鐵木兒女伯牙吾氏爲皇后詔官員自

省院臺外不許遞升致礙選法九月甲午太陰犯填星乙未犯
天江己未犯氏冬十月甲子太陰犯斗戊辰改元詔曰在昔世
祖紹開丕圖稽古建元立綱陳紀列聖相傳恪遵成憲肆予沖
人嗣大歷服茲圖治之云初嘉與民以更始乃新紀號誕告多
方其以至順四年爲元統元年於戲一元運於四時惟裁成之
有道大統綿乎萬世思保障於無疆癸酉雲南僥羅土官潭鄧
馬弄來貢升其地爲散府丁丑依皇太后行年之數釋罪囚二
十七人庚辰奉天曆皇帝及太皇太后御容於大承天護聖寺
命撒敦兼隆祥院使主奉祀戊子封撒敦爲榮王唐其勢襲父
封太平王十一月辛卯朔罷富州金課甲午太陰犯壘壁陣辛
亥復立江西湖廣江浙河南權茶運司志云其種有末茶有葉
皆以細末製爲餅臨用而
茶按茶之爲用始于唐
限之其後葉茶之行始盛上天曆皇帝尊諡曰聖明元孝皇帝

廟號文宗文宗紀作
下年事時寢廟未建暫於英宗室次結綵殿奉安

神主封伯顏爲秦王是日秦州山崩地裂夜太陰犯太微東垣
上相壬子犯填星癸丑犯亢罷河間大報恩寺諸色人匠總管
府十二月乙丑廣西徭寇湖南道州千戶郭震戰歿癸酉太陰
犯鬼乙亥爲皇太后置徽政院設官三百六十六員是夜太白
犯壘壁陣太陰犯軒轅己卯犯進賢癸未犯東咸是歲廷試進
士增及百人左右榜各三人同同李齊等皆賜進士及第科舉
取士莫盛于斯

元統二年甲戌春正月庚寅朔雨血于汴梁著衣皆赤辛卯以
脫別台平章政事戊戌四川大盤洞蠻謀谷什用來貢卽其地
立盤順府是夜太陰犯軒轅庚戌犯房甲寅罷廣教總管府立
行宣政院于杭州二月己未朔詔內外典舉學校戊辰封也真

也不干為昌寧王以陰陽家言停造作四年癸酉太陰犯太微
東垣上相太廟木陛壞丁亥太白經天三月己丑朔詔科舉取
士國子學積分膳學錢糧儒人免役悉依累朝舊制學校官選
有德者補充辛卯太陰犯填星癸巳廣西徭賊復起殺元帥掠
庫物遣右丞禿魯迷失將兵討之罷廣誼司復立覆實司癸卯
月食既益都真定盜起選省院官往捕之募能擒盜者倍其實
獲三人者與一官壬子廣西慶遠徭賊寇全州丁巳詔蒙古色
目人犯奸盜詐偽者隸宗正府漢人南人犯者屬有司夏四月
戊午朔日食壬申命唐其勢為御史大夫丁丑太白經天戊寅
太白晝見己卯奉文宗神主升祔因有事于太廟躬行告祭樂
用宮縣禮三獻元年太白晝見錄許衡後以其孫從宗為異珍
官自賣鹽抄除累朝禁年忌日外

不作佛事禁私勅寺觀菴院僧道入錢五十貫給慶臘方聽出

家五月己丑宦者字羅帖木兒傳皇后旨取鹽十萬引入中政

院戊申封宗室蠻子為文濟王鎮大名雲南王阿魯鎮雲南詔

王侯宗戚軍站人匠鷹坊控鶴但隸京師諸縣者令一體應役

贈故中書平章王泰亨諡清憲舊制三品以上官立朝有大節

實惟泰亨在中書時安南請佛書以九經賜之使秋七月甲午

太白晝見己亥太白經天壬寅詔蒙古色目人仍行父母喪犯

盜者免刺甲辰太白經天帝幸楠木亭巳酉太白晝見夜有流

星大如杯色赤長五尺餘光燭地起自天津沒於離宮之南庚

戌太白經天壬子熒惑犯鬼八月丙辰朔太白經天凡四日戊

午祭社稷自是復舉癸亥太白經天辛未以災變赦天下京師

地震鷄鳴山崩陷為池方百里己卯太白犯軒轅九月庚寅太

白經天

白經天壬辰太陰入南斗癸巳太白犯靈臺甲午徭賊陷賀州
命廣西宣慰使章伯顏帥八番義從軍擊之壬子太白犯太微
垣冬十月乙卯朔定內外官朝會儀班次一依品從辛酉以許
有壬參知政事癸亥太白犯太微東垣上相復犯進賢丁卯立
湖廣黎兵屯田萬戶府統千戶十三所增置武安縣乙亥太陰
犯軒轅太白犯填星巳卯上皇太后尊號曰贊天開聖仁壽徽
懿昭宣皇太后詔曰朕登大寶君臨萬方永惟大母擁佑之勤
神器奠安海宇寧謐實慈訓之致然也爰協衆議再舉徽稱而
皇太后以文宗未祔太廟至誠謙抑弗賜僉允今告祔禮成亦
既閱歲乃以吉日奉上尊號思與普天同茲大慶可大赦天下
免今年田租之半內外官四品以下減一資癸未定眞哥皇后
配饗武宗是爲宣慈惠聖皇后十一月戊子發兩艘船下番爲
皇后營利乙未填星犯亢庚戌熒惑犯太微垣是歲河南湖北
旱自三月不雨至于八月淮水灤河漆河溢江浙大饑賑米六
萬石鈔二千八百錠罷太廟夏秋二享

至元元年乙亥春二月甲寅朔帝將田柳林從臺臣諫遂止丁
巳立縹甸散府及穆山甸范陵甸二長官司甲戌熒惑逆行入
太微三月癸未朔遣五府官決天下重囚敕丞相巳領軍國重
事省院臺官俱不得兼領各衛貴州平伐都勻定雲蠻長寶耶
天都蟲等來降卽其地立宣撫司丙申以甘州路十字寺奉安
世祖皇帝母別吉太后於內議定祭禮別吉應是莊
聖太后別號丁酉月食
罷采高麗媵女甲辰免山東河間兩淮福建新增鹽課十八萬
五千引以徹里帖木兒平章政事王結參知政事夏四月癸丑
朔廢霑益州所轄羅山石梁交水三縣詔諸官非節制軍馬者

不得佩金虎符壬戌太陰犯左執法己卯命翰林國史院纂修
累朝實錄及后妃功臣列傳庚辰罷功德典瑞營繕集慶翊正
羣玉繕工金玉珠翠諸提舉司五月壬午朔遣使祭曲阜孔子
廟癸卯太陰犯壘壁陣甲辰命唐其勢爲左丞相時撒敦已歿六月
壬戌太陰犯心庚辰唐其勢憤伯顏專政謀立諸王晃火帖木
兒伏兵東郊率勇士突入宮伯顏執之及其弟塔刺海皆伏誅
并執皇后伯牙吾氏幽之別所秋七月辛巳朔以馬扎兒台阿
察赤並爲御史大夫壬午伯顏弑皇后伯牙吾氏于開平民舍
諸王晃火帖木兒自殺乙未太陰犯壘壁陣壬寅專命伯顏爲
右丞相罷左丞相不置戊申誅答里及阿察赤等于市詔曰曩
者文宗皇帝以燕鐵木兒嘗有勞伐父子兄弟顯列朝廷而輒
造事釁出朕遠方文皇尋悟其妄遺命傳位於朕燕鐵木兒貪
利幼弱復立朕弟不幸早歿丞相伯顏追奉遺詔迎朕於南甌
至大都燕鐵木兒猶懷兩端遷延數月天墮厥躬伯顏等同辭
翊戴乃正宸極後撒敦答里唐其勢相襲川事交通宗王晃火
帖木兒圖危社稷阿察赤亦嘗與謀今幸以次掩捕明正其罪
元克構難貽我太后震驚朕用兢惕永惟皇太后後其所生之
子一以至公爲心親挈大寶畀予兄弟迹其定策兩朝功德隆
盛近古罕比雖嘗奉上尊號揆之朕心猶爲未盡已命大臣特
議加禮伯顏爲武宗捍禦北邊翼戴文皇茲又克清大憝明飭
國憲爰賜答刺罕之號期於子孫世世永賴八月辛亥朔熒惑
犯氏癸亥以岐陽王完者帖木兒知樞密事帖木兒不花並爲
御史大夫己卯議尊皇太后爲太皇太后許有壬諫以爲非禮
不聽九月丁亥封闕里吉思爲宜國公定住爲宣德王是夜太

陰犯斗庚寅犯壘壁陣丙午改烏撒烏蒙地仍隸四川冬十月
甲寅災惑犯南斗丙辰加塔失海牙太尉商議中書省事塔失
帖木兒爲太禧院使議軍國重事丁巳安置御史大夫完者帖
木兒于廣海甲子太陰犯昴丁卯犯斗戊辰太白晝見徹里帖
木兒議罷科舉并減太廟四祭爲一御史呂思誠等十九人劾
其變亂舊章不聽皆辭去惟陳允文不署名獨留十一月庚辰
詔罷科舉以所在儒學貢士莊田租給宿衛衣糧甲申太白經
天乙酉敕內外官悉循資銓注毋得保舉滯滯選法丙戌太白
經天巳丑辰星犯房丁酉以阿吉刺平章政事徐爽定生並參
議中書省事戊戌召前知樞密院事福丁失刺不花撒兒不哥
還京師初二人以帝未立謀誅燕巳亥太陰犯太微垣庚子犯

左執法

辛丑以災異改元詔曰朕祇紹天明入纂丕緒于今三

年夙夜寅畏罔敢怠荒茲者年穀順成海宇清謐朕方增修厥

德日以敬天恤民爲務屬太史上言星文示儆將朕德菲薄有
所未逮與天心仁愛俾予以治有所告戒與弭災有道善政爲
先更號紀年實推舊典仰惟世祖在位長久天人協和諸福咸
至祖述之志良切朕懷今特改元統三年仍爲至元元年遙遵
成憲誕布寬條庶格禎祥承綏景祚十二月壬子太陰犯壘壁
陣壬戌命四川雲南保舉蠻彝官以俟銓注乙丑加上皇太后
尊號曰貞文慈佑儲善衍慶福元太皇太后詔曰欽惟太皇太
后承九廟之托啓兩朝之業親以大寶付之眇躬尙依擁佑之
慈恪遵仁讓之訓爰極尊崇之典以昭報本之忱庸上徽稱宣
告中外是夜太白犯軒轅夫人星丙寅太白經天丁卯太陰犯
右執法癸酉歲星晝見乙亥太白歲星皆晝見丙子安慶蘄黃

地震戊寅蒙古國子監成閏月乙酉詔四川鹽運司仍于鹽井造鹽餘并聽民煮造收其課十之三熒惑犯壘壁陣壬辰命宗室脫脫木兒襲封荆王掌愜來諸軍戊戌徹里帖木兒以罪罷流南安庚子太陰犯心壬寅犯箕癸卯犯南斗是歲賜天下田租之半凡有妻室之僧令還俗既而復聽爲僧太廟惟舉夏秋二享

二年丙子春正月壬戌太陰犯右執法甲子犯角丁卯犯房宿松縣地震山裂置都水庸川司于平江二月辛巳太陰犯昴甲申太白經天丁酉追尊帝生母邁來廸爲貞裕徽聖皇后庚子析衡陽立新城縣乙巳免甘肅兵在逃者罪聽復業三月壬戌太陰犯心甲子犯箕乙丑犯南斗甲戌復四川鹽井之禁夏四月丁丑朔禁民間私造格例戊寅封駙馬字羅帖木兒爲毓德王丙戌太陰犯角丁亥禁服麒麟鸞鳳白兔靈芝雙角五爪龍八龍九龍萬壽福壽字赭黃等服庚寅以帖木兒不華平章政事王德懋爲中書左丞撒廸爲御史大夫五月丙午朔黃河復故道庚戌太陰犯靈臺丙辰太白晝見壬申秦州山崩六月戊子太白犯井禮部侍郎忽里台請復科舉之制不聽滿河白河涇水皆溢秋七月己酉太白犯鬼庚戌以定住鎖南參議中書省事乙卯太白犯熒惑禁口傳敕旨濫支錢帛癸酉命駙馬月魯不花帖古思教化同鎮薛連可怯魯連之地八月甲戌朔日食己卯太陰犯心辛巳犯箕壬辰立屯衛于馬札罕之地庚子定強盜皆死盜牛馬者劓盜驢騾者黥額再犯劓盜羊豕者墨項再犯黥三犯劓劓後再犯者死盜諸物者照其數估價省院臺五府官三年一次審決辛丑併馬湖路泥溪平夔蠻夔都

沐川雷坡六長官司爲三九月庚戌熒惑犯太微垣冬十月丙子熒惑犯左執法丁酉太陰犯昴巳亥犯進賢詔每日右丞相伯顏太保定住平章孛羅阿吉刺聚議于內廷平章塔失海牙右丞鞏卜班參知政事納麟許有壬聚議于中書十一月巳酉太陰犯壘壁陣丁巳遣河南平章玊珞普華至西番爲僧安置宗王不蘭奚于梧州丁卯太陰犯房辛未禁彈弓弩箭袖箭是歲以燕鐵木兒居第賜灌頂國師號大覺海寺塑千佛于其內江浙旱自春至于八月不雨黃州蝗怪民捕之人日五斗太廟惟舉冬享

三年丁丑春正月癸卯廣東增城縣民朱光卿反僞稱大金國改元赤符癸丑立宣鎮侍衛屯田萬戶府于寧夏丙辰月食丁巳日有交暈左右耳上有白虹貫之戊午帝畋于柳林凡三十

五日監察御史丑的宋紹明進諫帝嘉之賜金幣丑的等固辭帝曰昔魏徵進諫唐太宗未嘗不賞汝其受之封晉郭璞爲靈

應侯諡唐杜甫曰文貞二月壬申朔日食河南汝寧人胡閏兒號棒以燒香惑衆反于信陽州破鹿邑焚陳州屯營于杏岡內

子立船戶提舉司定船戶科差一千料以上者歲納鈔六錠下

此遞減按志云額外之課凡三十有二一曆日二契本三河泊四山場五窩冶六房地租七門攤八池塘九蒲葦十食

羊十一荻葦十二煤炭十三蘆岸十四山查十五麴十六魚十七漆十八醋十九山澤二十蕩二十一柳二十二牙例二十三

乳牛二十四抽分二十五蒲二十六魚苗二十七柴二十八羊皮二十九磁三十竹葦三十一薑三十二白藥其船戶又在額外者復立椽珠提舉司三月辛亥太陰犯靈臺戊午立弘吉刺氏伯顏忽都爲皇后因雨輟賀癸亥加封晉周處爲英義武惠正應王是月天雨線綱目云雨毛如線而緣民謠曰夏四月癸酉禁漢人南人高麗人持軍器有馬者拘入官甲戌有星孛于

王良至七月壬寅浚于貫索辛卯太陰犯壘壁陣四川大足縣民韓法師反自稱南朝趙王廣東歸善縣民聶秀卿譚景山等造軍器拜戴甲為定光佛與朱光卿相結為亂庚子太白晝見詔省院臺部宜慰廉訪司及郡府幕官之長並用蒙古色目人禁漢人南人習蒙古色目文字五月辛丑民間訛言朝廷采童男女一時嫁娶殆盡壬寅太白犯鬼乙巳太陰犯軒轅戊申太白晝見壬子太陰犯心甲寅西番賊起殺鎮西王子黨兀班蔓延二百餘處詔立行宣政院以也先帖木兒為院使討之戊午太白晝見己未太陰犯壘壁陣丁卯彗星見東北太如天船星色自長尺餘彗指西南凡六十三日自昴至房歷廿五宿始滅六月庚午太白經天乙亥太白犯靈臺己卯犯太微垣御河黃河漳河沁河渾河水並溢壬午太白晝見太陰犯斗丁亥太白犯太微垣戊子加封尹真人為無上太初博文文始真君徐甲

為垂玄感聖慈化應御真君庚桑子為洞靈感化超蹈混然真君文子通玄光暢昇元敏誘真君列子冲虛至德遁世樂游真君莊子南華至極雄文弘道真君己丑太白晝見閏三十三日方息秋七月丁未車駕幸龍岡灑馬湏以祭庚申詔除死罪重情必候五府官審錄笞杖以下聽有司依例決斷元制五刑之目凡七下至五十七為笞刑凡六十七至一百七為杖刑其徒法年數杖數相附麗為加減鹽徒盜賊既決而又錄之流則南人遷遼陽迤北之地北人遷南方湖廣之鄉死刑則有斬是月朱光卿就擒而無絞惡逆之極者又有交遼處死之法八月甲戌太陰犯心壬午京師地大震太廟梁柱裂各室墻壁壞壓損儀物及文宗神主御床各寺神御殿壁仆損祭器自是累震者六日癸未弛高麗軍器禁仍令乘馬凡漢人鎮邊生番處並開軍器禁九月己亥熒惑犯斗甲辰太白犯斗丁未太陰

犯壘壁陣巳酉修文宗神主玉冊及神御物成遣官告祭辛亥
 太陰犯軒轅冬十月庚午太白晝見丙子太陰犯壘壁陣壬午
 犯昴丁亥犯鬼庚寅太白晝見十一月丁酉太白經天戊戌太
 白犯亢壬寅太陰犯熒惑癸卯犯壘壁陣丙午立屯田于雒州
 丁未填星犯鍵閉辛亥太白犯五車甲寅化鬼丙辰太陰犯軒
 轅丁巳犯太微垣癸亥發鈔萬五千錠賑宣德地震灰傷者十
 二月巳巳歲星退犯天鉞填星犯罰星甲戌熒惑犯壘壁陣太
 白犯東咸壬午集賢大學士羊歸言太上皇唐妃影堂在真定
 玉華宮考元世稱太上皇者蓋睿宗也特唐妃無考每年宜于正月二十日致祭從
 之加馬札兒台太保知樞密院鎮北邊伯顏請殺張王劉李趙
 五姓漢人帝不從是年太廟四祭皆闕

四年戊寅春正月丙申以地震赦天下詔內外廉能官父母年
 七十無侍丁者准附近銓注以便侍養癸卯太白犯建星丙午
 犯五車辛亥太陰犯軒轅巳未填星犯東咸庚申太陰入南斗
 太白犯牛二月戊寅太陰犯軒轅巳卯犯靈臺乙酉奉聖州地
 震三月戊申填星退犯東咸夏四月辛未京師雨紅沙晝晦以
 探馬赤只兒瓦歹平章政事脫脫爲御史大夫巳卯河南執胡
 問兒械至京誅之癸巳帝如上都暮至八里塘雨雹大如拳其
 狀有小兒環玦獅象龜卵之形五月辛酉詔土番宣慰司軍士
 許乘馬執兵器分湖廣元領新化古州潭溪龍里洪州諸洞民
 六萬餘戶隸靖州增吏部考功司官以佛家問爲郎中喬林爲
 員外郎魏宗道爲主事考較天下郡縣官功過六月庚午袁州
 民周子旺反僞改年號尋被擒伏誅辛巳填星退犯鍵閉壬午
 立重慶路墊江縣漳州民李志甫反圍漳城守將搠思監戰失

利秋八月癸亥朔日食丙子京師地震日二三次至乙酉乃止

丁丑白虹亘天癸未改宣德府為順寧府奉聖州為保安州雲

南老告土官八那遣使賫象馬來朝立老告軍民總管府閏月

己亥填星犯罰星庚戌太陰犯斗乙卯犯鬼贈湖廣平章燕赤

永平王諡忠襄伯顏察兒奉元王諡忠宣太保曲出廣陽王諡

忠惠平章伯帖木兒文安王諡忠憲闕兒吉思晉寧王諡忠襄

九月丙寅太陰犯斗戊辰太白犯東咸癸酉奔星如盃大色白

起右旗下西南行沒于近濁甲申太陰犯軒轅乙酉犯靈臺庚

寅太白犯斗冬十月辛亥太陰犯酒旗十一月丁卯立紹熙府

軍民宣撫都總司本府元領六州二十縣一百五十二鎮元初

以其地荒而廢之至是始民多至二十餘萬

故立府己巳熒惑犯氏丁丑太陰犯鬼戊寅犯壘壁陣十二月

戊戌立邦牙等處宣慰司都元帥府并總管府初世祖既定緬

極邊就立其蠻長為帥命三年庚子熒惑犯房壬寅以汪家奴

一入貢至是來貢故立官府知樞密院事別兒怯不花為御史大夫癸卯太白經天子熒

惑犯東咸乙卯太白犯外屏太陰犯斗丙辰太白經天是年江

浙海運糧不足撥江西河南五十萬石補之信州靈山裂鞏昌

府山崩太廟惟舉冬祭五年亦如之

五年己卯春正月癸亥禁濫予僧人名爵庚午太陰犯井乙亥

熒惑犯天江二月庚寅信州雨土甲午太陰犯昴庚子免廣海

新增鹽課萬五千引壬寅太陰犯靈臺夏四月辛卯加封孝女

曹娥為慧感靈孝昭順純懿夫人罷興州興安縣壬寅太陰犯

日星五月庚午太陰犯心壬申犯斗丙子太白犯昴六月壬寅

月食甲辰熒惑退入南斗秋七月甲子熒惑犯南斗太陰犯房

甲戌太白經天詔諸王位下官毋入常選乙酉太白經天凡七

日八月甲午太陰犯斗丁酉太白犯軒轅乙巳太陰犯昴冬十月壬辰禁倡優盛服許男子裹青巾婦女服紫衣不許戴笠乘馬甲午命伯顏為大丞相加元德上輔功臣號伯顏矯殺郟王徹徹禿又奏貶宣讓王帖木兒不花威順王寬徹普化不俟命輒遣去己亥熒惑犯畢壁陣十一月戊辰杞縣人范孟反詐稱詔使至河南殺平章月祿帖木兒左丞劫烈廉訪使完者不花等已而捕誅之癸酉江西新昌州雨木冰至明年二月始解十二月甲午太陰犯昴癸卯熒惑犯外屏是歲工部廳梁上出芝草一本七莖汀州大水漂民廬八百區溺死八千餘人戶賑鈔半錠灰者倍之濮州范縣冀寧桓州雲霄府瀋陽等處饑去賑鈔二萬五千錠米七千餘石

六年庚辰春正月丁卯太陰犯鬼甲戌立司禮監改奉太祖太宗睿宗御容於石佛寺以翰林院言祭所甚隘故特造新影堂改奉之乙亥太陰犯房

二月己丑太陰犯昴丙申犯太微垣己亥黜伯顏為河南行省左丞相詔曰朕踐位以來命伯顏為太師秦王中書大丞相而伯顏專權自恣欺朕年幼輕視太皇太后及朕弟燕帖古思變亂祖宗威憲虐害天下加以極刑允合輿論朕念先朝之故尙存憫恤今出為河南行省左丞相所有元領諸衛親軍并怯薛歹人等詔書到時卽許散還輟耕錄云帝御玉德殿命史臣草本衛帝曰自早至暮皆一日也可改日字作時字時伯顏以飛放為名挾皇太子燕帖古思在柳林意將犯分詔既成遣平章只兒瓦歹賚至奉皇太子歸國各被命馬札兒台為太師右丞軍馬卽時散去一字之繫利害如此相辭不拜以其子脫脫知樞密院事也先帖木兒為御史大夫壬寅詔諸王侯不得懸帶弓箭環刀輒入內府癸卯太陰犯心乙巳罷各處船戶及廣東採珠二提舉司丁未太陰犯羅堰戊

申熒惑犯日星立延徽寺奉寧宗祀事巳酉有星孛于房星大
色白狀如粉絮尾跡長五寸餘彗指東南漸向西北行闊三十
二日始滅三月甲寅漳州義士陳君用襲殺反賊李志甫授君
用同知漳州府事癸亥太陰犯軒轅庚午犯房壬申犯南斗戊
寅太白犯月星辛巳詔安置伯顏陽春縣未至歿于道夏四月
庚寅立明宗神御殿碑于大天元延壽寺以汪家奴平章政事
鐵木兒塔識爲中書右丞五月己未漳州龍巖尉黃佐才與李
志甫餘黨戰妻子四十餘口皆遇害擢佐才爲龍巖縣尹丁卯
太陰犯斗丙子置月祭各影堂香於大明殿遇行禮令省臣就
殿行香祭之六月丙申詔徹文宗廟主徙太皇太后不答失里
于東安州放太子燕帖古思于高麗詔曰昔我皇祖武宗昇遐
之後祖母太皇太后惑於憮慝俾皇考出封雲南英宗遇害正
統寢備我皇考以武宗之嫡逃居朔漠宗王大臣同心翊戴肇
啓大事于時以地近先迎文宗暫總幾務繼知天理人倫所在
假讓位之名以寶璽來上我皇考推誠不疑卽授以皇太子寶
文宗稔惡不悛當躬迓之際乃與其臣月魯不花野里牙明里
董阿等謀爲不軌使我皇考飲恨上賓歸而再御宸極海內聞
之靡不切齒又私圖傳子乃構邪言嫁禍于八不沙皇后謂朕
非明宗子俾出居遐陬祖宗大業幾於不繼內懷媿歉則殺野
里牙以杜口上天不祐隨降殞罰叔嬭不答失里怙其勢欲舍
冢嗣而立孺稚奄復不年諸王大臣以賢以長扶朕踐位每念
治必本於盡孝事莫先於正名賴天之靈權奸屏黜永惟鞠育
罔極之恩忍忘不共戴天之義其命太常徹去圖帖睦爾在廟
之主不答失里本朕之嬭母陰構奸臣弗體朕意僭膺太皇太

后之號迹其闔門之禍離間骨肉罪惡尤重揆之大義削去鴻
 名徙東安州安置燕帖古思昔雖幼冲理難獨處朕終不陷于
 覆轍專務殘酷惟放諸高麗當時賊臣月魯不花野里牙已灰
 其以明里董阿等明正典刑太皇太后尋暴崩燕帖古思亦中道遇害已亥成紀縣
 山崩地坼辛亥太白晝見夜犯歲星秋七月甲寅詔封微子為
 仁靖公箕子為仁獻公加封比干為仁顯忠烈公丁巳太白晝
 見戊午以星文示異地道失寧蝗旱相仍頒罪已詔於天下已
 未以亦憐真班為御史大夫庚申太陰犯心甲子犯羅堰戊寅
 命翰林奎章閣剛修大元統制名至正條格九月癸丑加封漢
 張飛武義忠顯英烈靈惠助順王辛酉太白犯虛梁丙寅詔有
 罪者毋籍其妻女丁卯太陰犯昴熒惑犯歲星甲戌太陰犯軒
 轅冬十月甲申加上皇考尊號始親祿太室以太師馬札兒台

為亞獻官樞密知院阿魯禿為終獻官至太廟御殿以為言乃

始行辛卯赦各愛馬人不許與常選愛馬人謂諸王所統之軍丁酉太白入

南斗已亥犯斗壬寅命脫脫為右丞相鐵木兒不花為左丞相

十一月乙卯太陰犯虛梁戊午熒惑犯心甲子月食辰星犯東

咸戊寅犯天江以孔克堅襲封衍聖公十二月癸未太陰犯虛

梁乙酉犯土公丁亥熒惑犯鈞鈴乙未犯東咸是月詔復科舉

取士制國子監積分生員三年一次依科舉例入會試中者取

一十八名罷天曆以後增設太禧宗禋等院改奎章閣為宣文

閣藝文監為崇文監環谷集云帝作宣文閣于大明殿西北萬

幾之暇御閣閱經史以左右儒臣為講讀

至正元年辛巳春正月己酉朔改元詔曰朕惟帝王之道德莫

大於克孝治莫大於得賢朕早歷多艱入紹大統仰思祖宗付

責

續通志 卷一百一 七

託之重職兢惕勵逮茲八年慨念皇考久勞於外甫即大命四海缺望夙夜追慕不忘於懷乃以至元六年十月日追上尊號曰順天立道睿文智武大聖孝皇帝被服袞冕禪於太室式展孝誠勉徇大禮慶成之請御大明殿受羣臣朝賀爰自去春疇咨于衆命馬札兒台爲太師右丞相以正百官以親萬民尋卽控辭養疾私第再三敦諭勉令就位自春徂秋其請益固朕憫其積勞察其至誠不忍煩之以政俾解機務加封忠王其子脫脫早歲輔朕克著忠貞乃命爲中書右丞相宗正鐵木兒不花嘗歷政府嘉績著聞爲中書左丞相並錄軍國重事夫三公論道以輔予德二相總政以弼予治可改至元七年爲至正元年與天下更始甲寅災惑犯天江庚申犯井辛未犯心癸酉犯斗

詔天壽節禁屠宰六月甲戌太白晝見九月命丞相

字經一藏二廟三卯六白晝見癸巳太陰犯明堂三月庚戌

兩淮屯田手號打捕軍癸丑撥屯儲禦軍于芍陂洪澤德安

處屯種己未汴梁地震罷河西務行用庫立廣福富昌二廟隸

資政院復設衛候司拱儀局司禪監夏四月丁丑道州土賊蔣

丙等反破江華明遠二縣戊寅彰德有赤風自西北起晝晦如

夜庚寅以鐵木兒塔識平章政事阿魯爲中書右丞許有壬爲

左丞丁酉兩浙水免歲辦餘鹽三萬引庚子杭城火燬官民房

舍幾盡輟耕錄云至正辛巳春江浙平章只理瓦台入城之任

公蘇寺觀一萬五千七百五十五間燒灰七十四人明閏五月

年壬午四月災尤甚數百年浩繁之地凋敝實基于此閏五月

丁丑加封淳沱河神爲怡佑靈源侯甲午賞扈從明宗諸王官

屬八百七人金銀鈔幣有差壬寅刻宣文至正二寶輟耕錄云

上作二小

璽一曰明仁殿寶一曰洪禧命楊

璽一曰洪禧命楊

璽一曰洪禧命楊

璽一曰洪禧命楊

璽一曰洪禧命楊

璽一曰洪禧命楊

子為宦者避賦役庚午太陰犯井秋七月乙酉太陰犯填星庚寅犯雲雨九月庚辰太陰犯建星壬午犯鉞星及井宿己丑賜文臣宴于拱辰堂冬十月甲寅以海運不給令江浙行省於中政院財賦府撥賜寺觀田糧總運二百六十萬石乙卯歲星犯氏丁巳太陰犯月星戊午月食既十一月丙子道州土賊何仁甫等反庚辰分吏禮兵刑四部為二庫戶工兩部為二庫各設管勾一員己亥太陰犯東井庚子犯天江十二月乙卯詔民年八十以上者蒙古人賜繪帛餘各旌以高年耆德之名並免雜役丁巳太陰犯壘壁陣己未立四川安岳縣癸亥以在庫至元中統鈔二百八十二萬餘錠可支二年停造明年鈔本革王伯顏察兒等所獻檀景等州產金地是歲山東燕南寇盜縱橫三百餘處崇明通泰等州海潮溢溺死千六百餘人賑鈔萬一千八百錠復行太廟四時祭二年三年亦如之

湖志云其南案山產小赤犬

羣吠遍野又雨鐵民舍山石皆穿人物值之多斃

二年壬午春正月丙戌開京師金口河深五十尺廣一百五十尺役夫十萬人費用不貲卒無成功降成平府為縣升懿州為路以大寧所轄興中義州屬之戊子太陰犯明堂甲午熒惑犯月星三月戊子太陰犯房夏四月辛丑冀寧路平晉縣地震裂地尺餘民居皆傾庚申太陰犯羅堰罷雲南蒙慶邦牙二宣慰司五月甲申太白經天東平雨雹如馬首六月戊申奪江浙撥賜僧道田還官徵糧以備軍儲壬子濟南山崩水湧汾水大溢秋七月庚午惠州羅浮山崩乙未太陰掩太白丁酉太白晝見以賀惟一為中書參知政事辭不就拂郎國貢異馬長丈一尺三寸高六尺四寸身純黑後二蹄皆白

圭齋集云帝御慈仁殿拂郎國進天馬鞍馴馴

命揭侯斯為贊 八月庚子朔日食丙午太白晝見九月己巳

湖廣平章鞏卜班討道州賊平之復喚峒堡寨二百餘處丁丑

太陰犯羅堰戊子犯井冬十月己亥朔日食癸卯太陰犯建星

甲寅犯天關壬戌遣官致祭孔子于曲阜甲子權免兩浙額鹽

十萬引福建餘鹽三萬引十一月甲申免雲南明年差稅辛卯

歲星熒惑太白聚于尾十二月己酉京師地震辛亥阿魯禿滿

等以謀害宰臣圖逆伏誅是歲大同饑人相食河間冀寧等路

水杭州火賑鈔三十萬錠

三年癸未春二月甲辰太陰犯井垣星犯斗熒惑犯羅堰乙卯

太陰犯氏遼陽吾者野人及水達達皆叛為捕海東青三月戊

寅詔作新風憲在內官不法者監察御史糾劾在外官不法者

行臺監察御史糾劾壬午太陰犯氏救修宋遼金三史以丞相

脫為都總裁官綱目云或欲如言書例以宋為世絕而遼金

嘗稱臣於金以為不可待制王理祖修端之說者三史正統論

欲以遼金為北史太祖至靖康為宋史建炎後為南宋史各

議不決詔遼金宋各自為史輟耕錄云朝廷開局修史詔

求遺書有以書獻者予一官繼命學士危樸來江南搜取定

終場下第舉人充學正山長國學生會試不申者與終場舉人

同夏四月丙申朔日食兩都桑葉皆生黃色龍文河決白茅口

六月壬子命經筵官一月三進講安雅堂集云帝優禮講官既

命皆得乘舟太秋七月戊寅立永昌等處宣慰司庚辰太白犯

液池徑西苑歸右執法河南自四月至是霖雨不止八月甲午朔命朶思麻宣

慰司同知鎖兒哈等討四州上蓬瓊吃賊九月甲子湖廣平章

鞏卜班擒猺賊唐太二蔣仁五至京誅之其黨蔣丙復號順天

王攻陷連桂二州冬十月戊戌鐵木兒不花罷丁未月食己酉

帝親祀上帝于南郊以太祖醜右丞相脫脫為亞獻官太尉阿

魯圖為終獻官己未以郊祀禮成赦天下文官普減一資武官
升散秩一等蠲民間田租五分賜高年帛十二月丁未命別兒
怯不花為左丞相韓元善參知政事膠州高密縣地震是歲罷
民間食鹽徵清江處士杜本不至

四年甲申春正月辛巳定守令黜陟之法六事備者升一等四
事備者減一資三事備者平遷六事俱不備者降一等

六事者
戶口增

得法也按職官志止云五事不及常平庚寅河決曹州募夫萬

五千人築之又決汴梁閘二月乙亥月食三月丁酉復立武功

縣癸丑以納麟平章政事姚庸為中書左丞夏五月甲辰右丞

相脫脫辭職命阿魯圖代之封脫脫為鄭王黃河暴溢決金隄

曹濮濟堯皆罹患北侵安山沿入會通運河秋七月戊子朔

州颶風大作海水溢地震益都益都亦作益都上行由

陵川入壺關至廣平殺兵馬指揮使復還益都莒州蒙陰縣地

震九月丁亥朔日食冬十一月丁亥朔以各郡縣民饑禁抑

食鹽復令民入粟補官戊子禁內外官民宴會不得用珠花十

二月己未增置四川省推官及惠民藥局壬戌太陰犯外屏漢

陽東平地地震是歲太廟惟舉春秋二享五年亦如之

五年乙酉春正月薊州地震以陳思謙參議中書省事夏四月

丁卯遣大都流民還鄉官給路糧募富戶出米五十石以上者

旌以義士號五月己丑放軍士所掠子女千一百人還雲南仍

給行糧丁未河間竈戶被水災權停餘鹽二萬引候年豐還官

秋七月丁亥河決濟陰丙午命鐵木兒塔識為御史大夫九月

壬午朔日食辛丑以擲思監為中書左丞魯兒直班呂思誠並

參知政事冬十月壬子以賀惟一為御史大夫賜名太平

元朝
臺端

非國姓不授故特賜蒙
古名本傳作六年事

辛酉遣使宣撫巡行天下詔曰朕自踐

祚以來十有餘年托身億兆之上端居九重之中耳目所及豈

能周知故雖夙夜憂勤冀安黎庶而和氣未臻災沓時作聲教

未洽風俗未淳吏弊未祛民瘼滋甚豈承宣糾劾奉行有所未

至與若稽先朝成憲遣官分道宣撫其詢民疾苦疎滌冤滯蠲

除煩苛體察官吏賢否明加黜陟有罪者四品以上停職申請

五品以下就便裁決民間典利除害之事悉聽便宜舉行命忽

都不丁何執禮之兩浙江東道散散王士弘之江西福建道拔

實秦德從之江南湖廣道定僧魏景道之河南江北道蠻子李

獻之燕南山東道不花靳義之河東陝西道伯家奴王也速迭

兒之山北遼東道阿牙赤王紳之甘肅永昌道定定蘓天爵之

京畿道左答納失里賈惟貞之海北海南廣東道阿乞刺杜德

遠之雲南省答爾麻失里王守誠之四川省時諸道奉使者皆
與臺憲互相掩蔽

惟京畿道定定蘓天爵湖
廣道拔實糾舉無所避辛未宋遼金三史成帝謂羣臣曰史

既成書前人善惡朕當取為法戒然豈止激勸為君者為臣者

亦當知之卿等其體朕心以前代善惡為勉十一月甲午至正

條格成頒示天下奉元路陳望叔偽稱燕帖古思太子伏誅十

二月丁巳詔定薦舉守合法

六年丙戌本末紀要云正月司天監奏天狗星墮地血食人間
五千日始于楚編及齊趙終于吳其光不及兩廣

春二月庚戌朔日食辛未山東地震七日乃止三月辛巳盜扼

李開務開河劫商船官軍不敢捕京畿山東盜並起夏四月丁

卯萬戶買住討吾者野人遇害詔恤其家命左右二司六部吏

屬於午後講習經史五月壬午罷江西田賦提舉司丁亥盜竊

太廟神主丁酉立河南山東行都水監專治決河六月己酉汀

續通志

州連城縣民羅天麟陳積萬作亂陷長汀縣丁巳雲南賊次可
伐作亂滇志作思可法侵奪路甸命亦禿渾為雲南平章討之秋七月

丁亥散毛洞蠻軍全在叛招降之立散毛誓居軍民宣撫司癸

巳選怯薛官為路府縣達魯花赤丙申以呂思誠為中書左丞

朶爾直班為右丞答兒麻參知政事九月乙酉克復長汀縣戊

子邵武地震有聲如鼓至夜復鳴冬閏十月乙亥詔赦天下免

差稅三分水旱之地全免靖州猺賊吳天保陷黔陽有衆六萬

癸未汀州賊徒羅德用殺賊首羅天麟陳積萬以首級送官餘

黨悉平十二月甲申復立大護國仁王寺昭應宮財用規運總

管府凡貸民錢二十六萬餘錠甲午增北邊海海刺禿二處屯

田後以沙土苦寒不久遂廢復立八百宣慰司以土官韓部襲其父爵尙書

李綱請躬祀郊廟近正人遠邪佞以崇陽抑陰不聽藏歲阿魯

圖罷太廟惟舉夏秋二享

七年丁亥春正月甲辰朔日食大寒而風朝官多仆者壬子介

別兒怯不花為右丞打鐵木兒塔識為左丞相蓋苗參知政事

庚申雲南老了等蠻來降寰宇記立老了耿疎路軍民總管府

丙寅汰宿衛士止存勅定額二月甲戌朔山東地震壞城郭

棣州有聲如雷河南山東盜蔓延濟寧滕邳徐州等處庚辰以

鎖南班為中書右丞道童參知政事宦者伯帖木兒為司徒猺

賊吳天保寇沅州陷淑浦辰溪縣以阿吉刺知樞密院事三月

乙巳修光天殿庚戌試國子監會食弟子員選補路府及各衛

學正戊午敕編六條政類夏五月乙丑別兒怯不花以災異乞

罷詔以太保就第臨淄縣地震七日乃止免太師馬札兒台官

放之西寧州其子脫脫欲與父俱行帝從其請以太平平章政

事秋七月甲寅名隱士完者圖執禮哈琅為翰林待制張樞董
 立為修撰李孝光為著作郎樞不至丙辰太陰犯壘壁陣丁巳
 以納麟為御史大夫九月癸卯八麟內哈刺那海禿魯和伯賊
 起斷嶺北驛道癸丑上都早霜殺禾甲寅詔舉材能學業之人
 以備侍衛辛酉鐵木兒塔識卒命國王朶兒只為左丞相丁卯
 吳天保陷武岡延及寶慶殺行省右丞沙璉冬十月丁丑詔左
 右丞相平章樞密知院御史大夫得賜玉押字甲餘官不與辛
 卯開東華射圃戊戌西番盜起凡二百餘所陷哈刺火州劫供
 御蒲萄酒殺使臣十一月甲辰沿江盜起兩淮鹽運使宋文瓚
 上言世皇開會通河千有餘里歲運米至京者五百萬石曩者
 騎賊不過四十人扼李開務劫船三百艘有司莫能捕至江陰
 通泰為江海門戶鎮江真州次之國初設萬戶府鎮其地今戍
 將非人致使賊艦往來無常集慶花山賊僅三十六人官軍數
 萬不能進討反為所敗後竟假手鹽徒雖能成功豈不貽笑左
 亟選智勇以圖後功不然東南五省租賦之地恐非國家所有
 不報輟耕錄云花山賊舉因等僅三十六人內一婦人尤勇捷
 殺傷官軍無數縱橫茅山三月餘三省撥兵不能捕後募
 其黨一鼓擒之擬山東地十六萬二千餘頃給大承天護聖寺
 為永業庚戌太陰犯天廩甲寅吳天保陷靖州命威順王寬徹
 普化鎮南王李羅不花將兵討之己未以韓嘉訥為中書平章
 政事紀稱是月以嘉訥為陝西行臺大夫而通鑑則稱以嘉訥
 為平章按宰相年表至正七八九年皆載嘉訥名故改正
 之丁卯海北湖南猺賊竊發有司不以聞詔降散官一等馬札
 兒台卒于甘肅名脫脫選十二月庚午命朶兒只為右丞相太
 平拜左丞相丙子帝以連年水旱民多失業特選臺閣名臣二
 十六人出為守令許民間利害實封呈省丙戌以河南盜賊充

斥分撥達達軍與揚州舊軍赴沿河關隘戍守是歲置中書議事平章四人太廟不舉秋享

八年戊子春正月戊戌朔以也先帖木兒知樞密院事辛亥黃河決遷濟寧路于濟州命湖廣右丞禿赤都元帥完者帖木兒討莫磐洞諸蠻縛其洞首楊鹿五赴京師二月乙亥復立孛答乃禿忙兀三處屯田隸虎賁司庚辰太陰犯軒轅癸未犯平道壬辰以前奉使宣撫廣東道賈惟貞稱職特授永平路總管立行都水監于郟城以賈魯爲太監三月丁酉詔頒金帛旌守令之廉勤者壬寅土番盜起有司請不拘資級委官討之福建盜起分立汀漳二元帥府鎮之丙辰太陰犯建星己未遣使銓閩廣蠻獍等官選辛酉遼陽鎔火奴及兀顏撥魯歡詐稱大金子孫作亂官軍討斬之夏四月乙亥帝視國子學升衍聖公秩從

二品定弟子員出身及奔喪省親等制 守令選立社長專一

勸課農桑京官三品以上歲舉守令一人守令到任三月亦舉一人自代其玉典赤拱衛百戶不得任縣達魯花赤止授佐貳官平松江大水留海運糧十萬石賑之五月丁酉朔大霖雨京城崩庚子廣西濰江溢四川旱饑禁酒六月丙寅朔升徐州爲府以邳宿滕嶧四州隸之丙戌立司天臺于上都秋七月丙申朔日食壬子量移竄徙官於近地安置死者聽歸葬江州總管劉恒有政績超升山東宣慰使八月丙子太陰犯壘壁陣九月己未太陰犯靈臺冬十一月辛亥吳天保掠全州以太不花忽都不花並平章政事台州黃巖民方國珍作亂聚衆海上命江浙參政朶兒只班討之是歲太廟闕冬祭

九年己丑春正月庚戌太白犯建星辛亥犯平道命太不花提

調會同館三月丁酉垣河淺澁調軍民各萬人濬之己亥太白

犯壘壁陣夏四月丁丑以欽察台平章政事韓元善為中書左

丞壬午以河間水災住煎鹽三萬引王堂鑑綱云棗陽童子生甫周歲暴長四尺許容貌

異常鑿腹嘻笑如俗五月戊戌加脫脫太傅提調內史府庚子

修黃河金堤民夫日給鈔三貫庚戌命翰林國史院等官薦舉

守令丙辰定守令督攝之法路督攝府府督攝州州督攝縣是

月白茅河東注沛縣成巨浸蜀江溢灌漢陽城民大饑諭刻小

玉印其文曰至正珍秘凡秘書監所掌書畫皆識之秋七月庚

寅監察御史韓勒海壽劾殿中侍御史哈麻及其弟雪雲交結

脫忽思皇后宮人脫忽思帝庶母御史大夫韓嘉訥以聞不省章三上

詔奪哈麻雪雲官居之草地出海壽為陝西副使左遷嘉訥為

江浙平章壬辰命皇子愛猷識理達臘習學漢文以李好文為

諭德歸賜為贊善張冲為文學甲午以也先帖木兒復為御史

大夫亦憐真班知樞密院事提調武備寺丙午太陰犯壘壁陣

癸丑犯天關乙卯丞相朶兒只太平俱罷復命脫脫為右丞相

搠思監為右丞玉樞虎兒吐華參知政事戊午命岐王阿剌乞

鎮西番九月甲子敕建言中外利病者委官選其可行之事以

聞丙戌熒惑犯靈臺冬十月丁酉命皇子入端本堂肄業丞相

脫脫領端本堂事司徒雅普化知端本堂事皇子與師傅分東

西向坐授書其下僚屬以次列坐王忠文公集云至正九年冬

就傳拜諭德贊善各一員文學二員仍命以翰林學士直學士

待制兼其職復置正字司經各二員即與聖宮西偏故宣文閣

改曰端本堂為肄學之所十月九日皇子始就學其堂虛中虛

以俟至尊臨幸皇子坐于皇帝位之右而左向其左設師傳之

位諭德以下以次列坐而右向比授經則別設授讀位司

經正字執經導皇子及諭德以下選為伴讀者凡十人十一月

月戊午朔日食戊辰太陰犯畢庚辰太白犯壘壁陣十二月戊

續通志卷一百一十一

戊太白復犯壘壁陣丁未吳天保陷辰州皇后脫忽思以韓勒
海壽之言侵已泣訴于帝帝怒奪海壽官并誣韓嘉訥賊罪杖
流奴兒于死是歲詔汰冗官均俸祿賜致仕官及高年帛太廟
不舉秋享

十年庚寅春正月丙辰朔以搆思監平章政事玉樞虎兒吐華
為中書右丞壬戌立四川容美洞軍民總管府壬申太陰犯熒
惑甲戌隕石棣州色黑中帶金星先有聲自西北來至州北二
十里乃隕二月丙戌加封天妃父種德積慶侯母育聖顯慶夫
人辛丑太陰犯平道甲辰犯鍵閏三月己卯熒惑犯太微垣奉
化州山石裂有禽鳥草木山川人物之形夏四月丁酉諱赦天
下略曰朕纂承洪業撫臨萬邦夙夜勵精靡遑暇逸此緣倚注
失當治理乖方是用圖任一相俾贊萬幾爰命脫脫為丞相

統正百官允蠶庶績曾未期月百度具舉中外協望朕其
尚慮軍國之重民物之繁政令有未孚生意有未遂可大發

下丙午太白犯鬼六月壬子有星大如月入北斗震聲若雷二
日復還秋七月辛酉太陰犯房辛未太白晝見丁丑復見九月

癸丑朔太白晝見辛酉祭京師三皇廟先是歲祀以醫官行禮
禮有未備乃敕工部具祭器江浙造雅壬戌熒惑犯天江壬午

樂太常定儀式翰林撰樂章至是川之以吏部條格繁多銓選者得意為高下命編類成書冬十月癸
巳歲星犯軒轅丙申太陰犯昴大名東平濟南徐州各立兵馬

指揮司俾捕馬賊十一月壬子朔日食罷遼陽濱海民煎野鹽
戊辰太陰犯鬼己巳從尙書僕哲篤都事武祺言更定鈔法詔

曰爰自世祖頒行中統交鈔以錢為文厥後造至元寶鈔以一
當五名曰子母相權而錢實未用歷歲滋久鈔法偏虛物價騰

踊民用賤乏其以中統交鈔一貫文省權銅錢一千文准至元
寶鈔二貫仍鑄至正通寶錢與歷代銅錢並用以實鈔法可頒
示天下行義補云交鈔之法起于金按元制銀五十兩易鈔千
兩是銀一兩有錢二十兩也中統元寶鈔兩貫同白銀
一兩其所值錢亦與交鈔同是月三星隕于耀州化為石如斧形削之有屑
擊之有聲十二月壬午朔以大司農禿魯等兼領都水監集河
防正官議黃河便益事乙未太陰犯鬼巳酉方國珍寇濶州命
江浙左承李羅帖木兒討之京師麗正門樓上忽有人妄言災
禍鞠之自稱薊州人已而不知所在是冬溫煥草木皆萌芽吐
花大雪而雷電是歲太廟四祭皆不舉

十一年辛卯春正月丙辰辰星犯牛丁卯蘭陽縣有紅星大如
斗自東南墜西北其聲如雷立湖南分元帥府于寶慶路山前
分元帥府于登州二月庚寅太陰犯鬼乙未犯太微丁酉犯亢

二月丁卯太陰犯東咸戊辰犯天江徵建寧處士彭炳為端本
堂說書不至夏四月壬午詔開黃河故道命賈魯以工部尚書
充總治河防使發汴梁大名十三路民十五萬廬州等成十八
翼軍二萬供役仍命右丞玉樞虎兒吐華同知樞密院事照斯
以兵鎮之冀寧孟州地震半月乃止乙酉加封河濱神為靈源
神祐弘濟王重建河濱及西海神廟丁酉立鎮寧州辛丑師壁
洞土官田驢什用盤順府土官墨奴什用降立長官司四五月
己酉朔日食辛亥潁州妖人劉福通作亂以紅巾為號陷本州
其黨韓山童就擒山童子韓林兒逃之武安軍六月劉福通據
朱臯攻破羅山真陽確山上蔡遂犯舞陽葉縣李羅帖木兒討
六珍兵敗被執輟耕錄云至正辛卯夏松江普照寺僧舍一
做帝開花嘉興陶氏磨上木肘發青條開白

花吳江分湖里殿工一柳樹樁以安鐵礎者秋七月丁巳罷四
發長條數莖如葦三家雖有此怪而皆無恙

川大奴管勾洞長官司改立忠孝軍民府己未太陰犯斗壬戌

犯右執法己巳太白犯左執法熒惑入鬼命大司農達識帖睦

適等招諭方國珍國珍僞降八月丁丑朔中興地震乙酉太陰

犯天江丙戌蕭縣李二號李羅田徐壽輝本名寇起二陷徐州

壽輝陷蘄州亦以紅巾為號九月壬子命御史大夫也先帖木

兒知樞密院事將諸衛軍十餘萬討河南妖寇乙卯辰星犯左

執法丁巳太白犯房戌辰太陰犯鬼劉福通陷汝寧府及息尤

二州徐壽輝陷蘄水縣及黃州路冬十月戊寅熒惑犯太微垣

辛巳太陰犯斗癸未立寶泉提舉司于各省鼓鑄至正通寶錢

印造交鈔令民間通用行之未久物價騰踊至逾十倍民皆以

十錢易斗乙酉太白犯斗己丑太白晝見熒惑犯歲星辛卯

自犯斗癸巳歲星犯右執法丙午熒惑犯左執法

寧兩黑子大如菽信術二州及郿武路兩黍民多取食之徐壽

輝據蘄水為都國號天完僭稱帝改元治平十一月癸丑有星

孛于婁甲寅見于胃丁巳微見于畢太陰犯填星黃河堤成河

復故道遣使告祭河伯名賈魯超授集賢大學士命翰林承

旨歐陽玄製河平碑十二月丙子朔太白晝見丁丑太白經天

己卯立河防提舉司隸行都水監庚辰太白犯壘壁陣甲申太

陰犯填星丙戌以烏古孫良楨參知政事辛卯太白經天丁酉

太白晝見太陰犯熒惑庚子太白經天辰星犯天江辛丑也先

帖木兒復上蔡縣擒劉福通僞將韓陵兒等送大都誅之壬寅

太白晝見是年太廟闕秋亨

十二年壬辰春正月戊申竹山縣賊陷襄陽總管柴肅歿之是

日荆門州亦陷庚戌以月魯不花平章政事壬子諭河南湖廣

廣

調兵討賊正當春耕作之時恐農民不安田畝守令有失勸
課宜委通曉農事官分道巡視督勒有司親詣鄉都省諭農民
依時播種務使人盡其力地盡其利其有曾經盜賊水患供億
繁重貧民不能自備牛種者所在官為量給仍飭領兵官嚴禁
屯駐軍馬毋得踐踏以致農事廢弛丙辰徐壽輝遣將丁普郎
徐明遠陷漢陽及興國府己未徐壽輝偽太師鄒普勝陷武昌
辛酉徐壽輝遣將魯法興陷安陸知府王驢歿之癸亥添設刑
部尚書侍郎各一員乙丑太陰犯熒惑己巳歲星犯右執法壬
申中興路陷拘刷大都河南陝西遼陽漢人馬二月乙亥朔以
賈魯為中書添設左丞命諸王禿堅守揚州李蘭奚守大名寧
王牙安沙鎮四川乙酉徐壽輝兵陷江州總管李勸歿之遂
南康及岳州庚寅太陰犯太微垣癸巳犯氐辛丑置安東安豐
分元帥府鄧州賊王權張椿陷澧州龍鎮衛指揮使奄都刺珍
蠻帥師復之是月賊侵滑澹諸邑起德住為河南右丞守東
賊不敢犯時德住致仕于家聞命即出徐壽輝偽將歐祥陷袁州命帖里帖
木兒以中書參政分省濟寧定遠人郭子興起兵自稱元帥與
其黨孫德崖等破濠州三月乙巳朔徐壽輝偽將許甲攻衡州
陶九陷瑞州壬子以太不花為河南省平章史作左丞相克復南
陽等處癸丑重行納粟補官有能自備糶米供給軍儲者照依
定擬地方實授常選流官依例升
轉封廢及已除鹽茶錢穀等官能輸糶供軍者驗見授品級改授常流戊午太陰犯進賢壬戌犯
東咸甲子徐壽輝遣將項普略陷饒州路遂陷徽信二州丁卯
出幣帛各十萬足於迤北萬戶千戶所易馬戊辰太白晝見詔
省院臺官依世祖舊制兼用南人有才學者立饒州德興銅冶
場時有張理獻言贍水浸鐵可虞
銅故即其地立之以理為場官諸隨朝諸正官各舉循良材

幹智勇兼全堪充守令者二人多者不限員數試用守令並兼
 管義兵防禦諸軍與魯勸農事任滿稱職者許實授凡除常選
 官於殘破郡縣及逼近賊境者升四等稍近者升二等方國珍
 復劫其黨入海台州路達魯花赤泰不華與戰于澄江灰之隴
 西地震百餘日城郭頽圯陵谷變遷定西會州靜寧莊浪尤甚
 會州公廨墻崩獲弩五百餘張長丈餘人莫能挽改定西為安
 定州會州為會寧州輟耕錄云至正壬辰春三月杭州二州黑
 氣直天雷電中有物若果核與雨雜下五
 色間錯光瑩堅固破其實食之似松子仁皆曰娑婆樹子閏月
 十二日復雨人初不以為異及九月紅巾來犯雨核之地悉被
 火閏月壬午以答失拔都魯為四川添設參政與本省平章
 住同討山南湖廣賊乙酉徐壽輝偽將陳普文陷吉安路鄉民
 羅明遠起義兵復之壬辰遣官詣上都分給出征河南達達軍
 口糧立淮南江北行省治揚州兼轄高郵淮安滁和廬州安豐
 安慶蘄州黃州丁酉湖南參政鐵傑復岳州四川平章咬住克
 取忠萬夔雲陽等州戊戌以晃火兒不花平章政事蠻子為中
 書右丞泰從德為左丞答失禿趙璉並參知政事悟良哈台杜
 秉彛為添設參知政事命江西左丞相亦憐真班守江東關隘
 諸王亦憐真班愛因班參政也先帖木兒與陝西平章月魯帖
 木兒討南陽襄陽賊刑部尙書阿魯討海寧賊江西右丞火尼
 赤與參政朶解討江西賊浙東宣慰使恩寧普守蕪湖江西右
 丞兀忽失江浙左丞星吉不顏帖木兒蠻子海牙同討饒信賊
 方國珍不受撫命江浙左丞左答納失里討之知樞密事也先
 帖木兒駐軍沙河軍中夜驚軍潰退屯朱仙鎮命中書右丞蠻
 子代總其軍名也先帖木兒還仍為御史大夫西臺御史范文
 等十二人劾其喪師辱國不聽夏四月癸卯朔日食江西臨川

續通志

卷一

五

順帝

賊鄧忠陷建昌路甲寅以榭思監渾都海牙並平章政事提調
留守司丙辰江西宣黃賊塗佑與建寧賊應必達攻陷邵武路
千戶魏淳以計擒之復其城辛酉四川參政桑哥失里復渠州
荆門知州聶炳復荆門州四川平章咬住復歸州進攻峽州詔
天下完城郭築堤防命亦都護月魯帖木兒領畏吾兒軍同豫
王阿剌忒納失里知樞密事老章同討襄鄧賊左遷西臺御史
大夫朶爾直班爲湖廣平章范文等十二人爲各路添設佐貳
官五月癸酉朔太白犯填星己卯咬住復中興路庚辰徙瀛國
公之子和尙趙完普及親屬于沙州禁勿與人通罷放兒棚
塲金銀課停海漕夏運癸未建昌民戴良起鄉兵克復本路乙
酉命留守帖木哥與諸王朶兒只守口北龍慶州答失拔都
至荆門募兵趨襄陽與賊戰大克之六月辛亥太白犯井丙寅
紅巾賊周伯顏陷道州秋七月庚辰徐壽輝黨項普畧由饒徽
犯昱嶺關陷杭州路江浙參政樊執敬戰歿濟寧路總管董輝
霄率兵復之遂克徽州己丑湘鄉賊陷寶慶路庚寅丞相脫脫
請親出師討徐州帝許之六部尙書合疏乞留不聽丁酉辰星
犯靈臺湖南副元帥小云失海牙總管兀顏思忠復寶慶路徐
壽輝僞將王善等陷福安寧德等縣八月甲辰復以哈麻爲中
書添設右丞丁卯詔脫脫以太傅右丞相督制諸軍省院臺分
官屬從行稟受節制卽日發京師是夜太白犯歲星安陸賊將
俞君正復陷荆門州知州聶炳歿之賊將党仲達復陷岳州九
月乙亥俞君正復陷中興咬住與戰于樓臺敗績奔松滋本路
判官上都歿之癸未中興義士范忠偕荆門僧李智率義兵復
中興路降咬住爲淮西元帥司饋餉辛卯脫脫復徐州屠其城

續通志

卷一

三

李二遁走壬辰太陰犯軒轅庚子詔加脫脫太師趣班師還朝
 冬十月戊午太陰犯鬼甲子犯歲星乙丑犯亢大方通鑑云霍山崩前三日山
 如雷鳴禽獸駭散隕石數里十一月辛未命江浙平章慶童收捕常州賊乙
 亥以星吉為江西平章擊趙普勝于湖口兵敗歿之丙子遣南
 臺詩御史左咎納失里江浙右丞帖理帖木兒總兵討方國珍
 癸未脫脫請興近畿水利召南人耕種歲可得粟麥百萬石不
 煩海運京師足食帝曰此事有利于國其速行之庚寅太陰犯
 太微垣十二月辛亥詔杭常湖信廣德諸路皆新復赦注誤者
 蠲其租命有司加意撫恤是歲海運不通京師闕食賴州沈丘
 人察罕帖木兒與羅山李思齊同起義兵破賊有功授察罕汝
 寧府達魯花赤思齊為知府李二餘黨趙均用人濠州據之僭
 稱王

十三年癸巳春正月庚午朔用帝師請釋在京罪囚辛未立分
 司農司以悟良哈台為右丞烏古孫良楨為左丞兼大司農卿
 給分司農司印西自西山南至保定河間北抵檀順州東及遷
 民鎮凡係官地及元管屯田悉從分司農司召募農夫立法佃
 種給鈔五百萬錠供其費丙子方國珍僞降庚辰募江淮善種
 水田修築閘堰者各千人為農師降空名告身十二道遣使賞
 往募農民百人者授九品二百人者授八品三百人者授從七
 品卽填流官職名與之令領所募人至田所期年散歸人給鈔
 十錠乙酉太陰犯太微垣丙戌咎失拔都魯克復襄陽樊城庚
 寅老章克復南陽唐州戊戌熒惑太白辰宿聚于奎二月己酉
 太陰犯軒轅庚戌太白犯熒惑壬子太陰犯太微垣甲寅立脫
 脫平徐勳德碑命領大司農司提調太史院司天監夏四月辛

丑太白犯井辛亥太陰犯房降徐州路爲武安州改所轄縣屬
歸德府其滕州嶧州仍屬益都路五月辛未江西左丞相亦憐
真班師由信州元帥韓邦彥由徽州浮梁同取饒州斬黃賊奔
潰乙亥太陰犯歲星乙未秦州自駒場亭民張士誠及其弟士
德士信作亂陷秦州及興化縣高郵知府李齊不屈歿士誠自
稱誠王僭號周建元天祐六月丙申朔立皇子愛猷識理達臘
爲皇太子復置詹事院以丞相脫脫兼領俾得銓注官屬庚子
命知樞密院事失刺拔都魯總河南軍平章答失拔都魯總四
川軍自襄陽分道而下克復安陸府癸卯詔平章達識帖睦
總領漢軍蒙古守禦淮南遼東吾者野人斡羊哈及乾帖困朮
赤朮等五十六人以皮貨來貢給銀牌一面令管吾者野人
七月丁卯泉州天雨白絲海湖日三至戊辰太白晝見命宦官
至一二品者依常例給俸壬申湖廣參政阿魯輝復武昌及漢
陽府資政院使脫火赤復江州路九月乙丑朔日食庚寅太會
犯熒惑壬辰太白經天熒惑犯左執法掖庭記云帝起采芳館
于曼華島內癸巳秋乘
龍船泛月池上池起浮橋三處每處分三洞洞上結綵爲
飛樓樓上置女樂橋以木爲質飾以錦繡九洞不相直達冬十
月甲辰歲星犯氏丁未廣西元帥魏崇福復道州庚戌從帖理
帖木兒左答納失里請授方國珍徽州路治中國璋廣德路治
中國瑛信州路治中國珍疑懼不受命立水軍都萬戶府于崑
山州以納麟哈刺爲正萬戶董博霄爲副萬戶癸亥太白犯亢
是月徹世祖所立壇帳改建殿宇十一月壬申太陰犯壘壁陣
丁亥江西右丞火尼赤以兵平富州臨江遂復瑞州立義兵千
戶水軍千戶所于江西十二月丁酉太白犯東咸庚子熒惑入
氏庚戌京城無雲而雷少頃有火見于東南懷慶路及河南府

續通志卷一百一十五 順帝

西北有聲如擊鼓者數四已而雷聲震地丁巳太陰犯心江浙
平章卜顏帖木兒等會兵討徐壽輝于斬水敗走之獲偽官四
百餘人陝西四川行省合兵復均房等州是歲起清寧殿前山
子月宮諸王役重建穆清閣帝行西僧秘密運氣術號演碟兒
法又以宮女十六人作天魔舞遇宮中讚佛則按舞奏樂宮官
非受秘密戒者不得預是冬闕享太廟

十四年甲午春正月甲子朔汴河水文成五色花草如繪畫三
日方解乙丑熒惑犯歲星丁卯太白犯建星癸酉熒惑犯房立
遼陽漕運庸田司屬分司農司丙戌谷失拔都魯復峽州二月
戊午太白犯壘壁陣遣吏部侍郎貢師泰和繼于浙西得糧百
萬石立鎮江水軍萬戶府河南淮南並立義兵萬戶府有取
權授軍職事不改民官建清河大壽元忠國寺括江浙廢寺田

十錠夏四月癸巳朔介休縣地震泉湧以武祺參議中書省

方國珍復擁船據海道阻絕糧運遣江浙右丞阿兒溫沙參政
恩寧普總兵討之復立應昌全寧二路

先有旨撥屬魯王王傳府有司以為不便故仍

立造過街墻于蘆溝橋修白浮瓮山隄五月甲子修北巡所經

色澤嶺黑石頭河西沿山道路立南陽鄧州等處毛胡蘆義兵

萬戶府募土人為軍免其差役令討賊自効

因其鄉人自相團結各佩毛胡蘆藏

兵器為號命四川平章玉樞虎兒吐華募兵萬人下蜀江守荆
門答失拔都魯提兵赴汝寧六月辛卯朔張士誠寇揚州達識
帖睦爾以兵討之敗績士誠陷盱眙泗州甲辰太陰犯斗秋七

月甲子襄垣縣大風拔木偃禾乙丑太陰犯角壬午犯昴孝義

縣地震郭子興自稱滁陽王九月己未朔復以呂思誠為中書

左丞月闕察見平章政事命丞相脫脫總制諸王各翼軍馬出
征高郵甲子方國珍拘浙東元帥也忒迷失知州趙宜浩以俟
命冬十月戊戌詔答失拔都魯及太不花會軍討安豐賊壬子
太陰犯太微垣十一月丙寅敕省院臺凡奏事先啓皇太子丁
卯脫脫統大軍至高郵與張士誠連戰皆捷分兵平六合縣賊
勢大感丙子太陰犯鬼答失拔都魯復苗軍所據鄭均許三州
十二月辛卯命定住爲左丞相哈麻鎮南班並平章政事監察
御史袁賽因不花等劾脫脫及其弟也先帖木兒前後出師畧
無寸效章三上帝令也先帖木兒出國門聽旨以汪家奴代爲
御史大夫丁酉詔以脫脫老師費財坐視寇盜恬不爲意削去
官爵安置淮安路也先帖木兒庸懦無能安置寧夏路以太不
花爲河南左丞相月闕察兒爲太尉雪雪知樞密院事代領其
軍免大都上都興和三路稅糧一年被災殘破地方並蠲租三

年罷庸田茶運寶泉等司戊戌以桑哥失里爲中書添設左丞
巳亥太陰掩昴巳酉紹興路地震答失拔都魯復河陰鞏縣徭
賊寇衡州萬戶許脫因歿之是歲詔民間私租太重以十分爲
率普減二分著爲例帝自製龍舟於內苑又自製宮漏精巧皆
絕出人意後龍舟長百二十尺廣二十尺前五簾棚穿廊兩暖閣
四人身衣紫衫金荔枝帶自後宮至前宮山下海子內往來游
戲行時龍首尾眼爪皆動宮漏高六七尺廣半之造木爲貫藏
壺其中運水上上下下置上設西方三聖殿腰立玉女捧時刻
至輒浮水上左右列二金甲神一懸鐘一懸鈺夜則神人自
按更而擊無分毫爽當鐘鈺鳴時御鳳在側者皆自翺舞置之
東西有日月宮飛僊六人立宮前遇于午時飛僊自能耦進度
僊橋達三聖殿巳復退立如前
十五年乙未春正月戊辰太陰犯五車辛未犯鬼丁丑徐壽輝
僞將倪文俊復陷沔陽府遣部將明玉珍守之玉珍遂據重慶

續通志卷一百一十五 順帝

庚辰復設仁虞雲需尙供三總管府閏月壬寅摘各衛軍屯田

京畿人給鈔五錠丙午太陰犯心丙辰太白經天二月己未劉

福通迎立韓林兒為帝又號小建都亳州僭號宋改元龍鳳戊

辰命汪家奴為右丞相定住為左丞相壬申立淮東宣慰司都

元帥府于天長縣統濠泗義兵萬戶府聽富民願出丁壯五千

名者為萬戶五百名者為千戶百名者為百戶是月郭子典卒

三月庚寅太陰犯五車甲午授皇太子玉冊賜冕服九旒祇謁

太廟丙申太陰犯房辛丑改竄脫脫于雲南鎮西路也先帖木

兒于四川喇門并籍其家癸丑太白經天輟耕錄云至正乙未

謙來江南募民補路府州司縣官自五品至九品人粟有差非

舊例之職專茶鹽務場者比松江知府崔思誠曲承使命拘集

屬縣巨室點科十二名抑使承伏印填夏四月癸酉命定住為

空名告身授之他處竟無一人應者右丞相哈麻為左丞相桑哥失里平章政事雪雪為御史大夫

丁丑立宣化鎮南軍民府于四川升四川羊母甲洞臭南王洞

長官司為忠義軍民安撫司五月壬辰監察御史也里忽都劾

河南左丞相太不花慢功虐民詔削職命答失拔都魯為河南

行省平章代之駐軍陳留庚戌倪文俊自沔陽陷中興路元帥

朶兒只班歿之六月癸亥太白經天丁丑保德州地震庚辰徵

徽州隱士鄭玉為翰林待制不至是月濠州朱元璋即明太祖起兵

和陽渡江取太平路秋七月壬寅倪文俊復陷武昌漢陽進攻

岳州命親王失里門四川左丞沙刺班等分守山東湖廣四川

諸路及招諭各起兵者輟耕錄云至正乙未秋七月三日樞李

夜壞民居五百餘所大木盡拔木自空墜下悉折為三雜以萬

瓦亂飛溪水直立人皆叫號奔走不服龍山城北望太湖去不

一年其地為八月戊辰以達識帖睦迺為江浙左丞相戊寅太

白經天雲南處可伐降立平緬宣撫司四川向思勝降改安定

續弘治錄

卷十

四

州爲軍民安撫司起前左丞相太平爲淮南行省左丞相總制
山東軍駐濟寧立吾者野人乞列迷等處諸軍萬戶府于哈兒
分之地蕪黃賊陷宣州禮部尙書致仕汪澤民疾之九月癸未
以紐的該平章政事幹樂爲中書左丞丁好禮參議省事己丑
太白犯太微垣己亥倪文俊圍岳州改竄脫于阿輕乞之地
冬十月丁巳立淮南行樞密院于揚州己未太陰犯壘壁障帝
謂右丞相定住曰敬天地尊祖宗重事也朕將親祀郊廟務盡
誠敬卿等共議典禮從其簡者行之庚午以襲封衍聖公孔克
堅同知太常禮儀院事其子希學襲封衍聖公癸酉太陰犯軒
轅定郊祀禮以太祖皇帝配上出宮至郊祈便服乘馬不設內
外儀仗教坊隊子齋戒七日內散齋四日於別殿致齋三日
日在大明殿西幄殿一日在郊所丙子立海道防禦運糧萬戶
府于平江黃河水軍萬戶府于小清口十一月甲申熒惑犯氏
庚寅填星犯井壬辰親祀上帝于南郊特命太子爲亞獻丞
定住爲終獻通考云帝每歲致祭社稷自至正十五年後廢不舉甲午復起太不花爲湖
廣左丞相荆襄諸軍悉聽節制給還元奪宣命己亥介休縣桃
杏花太陰犯鬼庚戌賊陷懷慶饒州二路十二月壬子朔熒惑
犯房丁巳命中書參政月倫失不花陳敬伯分省彰德癸亥立
忠義忠勤萬戶府于宿州武安州乙亥帝以天下兵起下詔罪
已大赦答失拔都魯大敗劉福通于太康遂圍亳州僞宋主韓
林兒遁走安豐立大兵農司于保定河間武清景劄四處招集
夫丁且耕且守又設兵農千戶所二十四百戶所四十八鎮撫
司四隸之察罕帖木兒與賊戰于河南北屢有功除中書刑部
侍郎哈麻矯殺右丞相脫脫是年太廟惟舉春秋二享綱鑑大

全云湖

廣雨黑雪陝西有一山西飛十五里其山之舊基積為深潭

十六年丙申春正月己丑太陰犯昴庚戌哈麻欲事太子謂當奉帝為太上皇語泄與其弟雲雲並罷以撻思監為御史大夫薊州雨血地震倪文俊建偽都于漢陽迎徐壽輝據之二月丙辰撻思監劾哈麻兄弟罪惡帝欲貸之丞相定住執奏不已詔貶哈麻惠州雪雪肇州北行皆杖歿丙寅命翰林國史院太常禮儀院定擬二皇后奇氏三代功臣諡號壬酉甲戌詔部院正官各舉材堪守令者一人不拘蒙古色日漢人南人聽中書省酌用己卯遣集賢直學士楊俊民致祭曲阜孔子廟張士誠據平江遂陷湖州松江常州諸路集賢待制孫馮歿之時馮持詔至平江招遇害三月辛巳徐壽輝寇襄陽戊子命宣讓王帖木兒不花威順王寬徹普化以兵鎮懷慶路庚寅朱元璋兵取集慶路南臺

御史大夫福壽歿之名山藏云平章阿魯灰參政白家奴丙申集慶路達魯花赤達尼達思皆戰歿

倪文俊陷澧州常德路丁酉立行樞密院于杭州命達識帖睦爾兼知行院事省院官並聽調遣朱元璋兵取鎮江戊申方國珍復降授為海道漕運萬戶國璋為衢州路總管是月有兩日相盪夏四月辛亥命撻思監為左丞相普化為御史大夫丁卯以知樞密事實理門分院濟寧五月壬辰太白犯鬼甲午太陰入斗丁酉犯壘壁陣六月甲寅加苗軍帥楊完者為江浙參政以其兵禦張士誠守嘉興乙丑朱元璋兵取廣德路續綱目云彰德李實如黃瓜童謡曰李生黃瓜民皆無家秋七月己卯朔朱元璋自稱吳國公改集慶路曰應天府建官屬丁酉太陰犯壘壁陣張士誠遣兵陷杭州江浙平章左答納失里戰歿丞相達識帖睦爾遁入富陽苗帥楊完者及萬戶普賢奴擊敗之復其城八月丙辰奉元路判官

續綱目卷之十一 順帝

王淵以義兵復商州升淵同知宣慰司事丁卯太陰犯昴庚午
倪文俊陷衡州路元帥甄崇福戰死甲戌彗星見張宿色青白
彗指西南長尺餘至十二月戊午朔始滅是月黃河決山東大
水九月庚辰汝穎賊李武崔德破潼關參政述律杰戰死壬午
豫王阿刺忒納失里同知樞密事定住引兵復潼關河南平章
伯家奴以兵守之戊戌賊陷陝號二州命太尉納麟復為南臺
御史大夫遷行臺治紹興輟耕錄云集慶失守行臺移置紹興
前御史大夫納麟再任又以其子安
安判行樞密院時慶元慈溪則有縣尹陳文昭餘姚則有同知
禿堅在賊則有錄事司達魯花赤邁里古思皆總制團練民義
者安安以三人為不易制乃給禿堅至拘留寶林寺夜率臺軍
擒殺之從而方國珍亦就文昭沈之海獨存邁里古思一人及
拜伴哥代納麟為大夫又察罕帖木兒復陝號二州襲敗賊兵
不能容搃殺于其私第

于平陸以功授僉河南行樞密院事冬十月丁未大名路有星
如火從東南流芒尾如曳簞墮地有聲炎燄蓬勃久之化為石
青黑光瑩形如狗頭其斷處若新割者命藏于庫壬申太陰犯
井淮安城陷淮東道廉訪使緒不華死之十一月丙戌以老
沙答里麻失並為詹事丁亥流星大如酒杯色青白尾跡長五
尺餘光明燭地起自東北東南行沒于近濁有聲如雷壬辰太
陰犯井倪文俊陷岳州路殺威順王子解帖木兒湖廣參政也
先帖木兒與左江義兵萬戶鄧祖勝合兵復衡州西臺御史李
尚綱上關中形勝急論十二事命大司農司屯種雄霸二州以
給京師號京糧是年太廟惟舉春享
十七年丁酉春正月丙子朔日食辛卯命山東分省團結義兵
仍令各路達魯花赤提調聽宣慰使節制二月壬子李武崔德
犯七盤藍田命察罕帖木兒守潼關調河南兵聽豫王阿刺忒
納失里及定住同進討之癸丑太陰犯五車戊辰知樞密事脫

脫復邳州調客省使撒兒答溫等攻黃河南岸賊大破之壬申
劉福通遣其黨毛貴陷膠州僉樞密院事脫歡歿之甲戌倪文
俊陷峽州李武崔德陷商州三輔震恐察罕帖木兒與李思齊
以兵自陝號來援殺獲無算論功以察罕為陝西左丞思齊為
四川左丞加答失拔都魯太尉四川左丞相三月乙亥應作義
兵萬戶賽甫丁阿迷里丁叛據泉州庚辰毛貴陷萊州宣慰副
使釋嘉訥歿之壬午朱元璋兵取寧國路甲申太陰犯鬼壬辰
歲星犯壘壁陣甲午毛貴陷益都益王買奴遁自是山東郡邑
皆陷丁酉毛貴陷濱州及莒州戊戌以悟良哈台幹樂董平章
政事輟耕錄云至正丁酉春上海李勝一家雞伏七雛一雛作
大雞狀鼓翼長鳴戊戌春錢唐盧子明家一雞伏九雛一
雛有三足二足在前一足在後諸暨袁彥誠家一雞伏五雛一
雛有四足二足在翼下壬寅秋上海金壽一家已闕確復生小
狗入其嘴爪夏五月戊寅平章赤老溫帖木兒復武安縣等三
十餘城丙申命搠思監為右丞相太平復為左丞相詔免天下

今歲稅糧之半六月甲辰朔以帖里帖木兒老的沙並為御史
大夫罷陝西行樞密院庚申朱元璋兵取江陰州及徽州路癸
酉有龍鬪于樂清江颶風大作所至火光如毳歿者萬餘人是
月劉福通犯汴梁其黨分三道關先生破頭潘王士誠等寇管
冀白不信大刀敖李喜喜等趨關中毛貴據山東其勢益振秋
七月癸未太白犯鬼甲申太陰犯斗丁亥填星犯鬼己丑鎮守
黃河義兵萬戶田豐叛陷濟寧分院實理門遁義兵萬戶孟本
周攻之豐敗走本周還守濟寧甲午以完者帖木兒為中書右
丞俺普參知政事立四方獻言詳定司歸德知府林茂萬戶時
公權叛以城降賊曹州亦陷玉堂鑑綱云是月大都書霧自旦
至午昏冥不辨人物者旬有五
日轍耕錄云胡仲彬乃杭州演說野史者指粟注授巡檢是年
七月內招募游食之徒及其背日赤心護國誓殺紅巾將作亂

賣上商錄

爲人首告搜其書名簿得三冊總以八月癸卯填星犯鬼太白
一冊到餘火之亦誅三百六十餘人
犯軒轅癸丑劉福通兵陷大名遂自曹濮犯衛輝咎失拔都魯
遣子孛羅帖木兒分兵擊走之甲子太陰犯五車乙丑以方國
珍爲江浙參政海道運糧萬戶如故朱元璋兵取揚州張士誠
爲書詣江浙請降達識帖睦爾遣參政周伯琦至平江撫之詔
以士誠爲太尉士誠留伯琦不遣九月丙子以老的沙平章政
事兼兀良海牙指揮使甲午澤州陵川陷縣尹張輔歿之戊戌
太不花復大名路并所屬郡縣辛丑加紐的該太尉總諸軍守
東昌倪文俊謀殺其主徐壽輝不果自漢陽奔黃州爲壽輝部
將陳友諒所殺友諒并其軍自稱平章閏月癸卯有飛星如盃
青色光燭地尾長尺餘起自王良沒于勾陳丙午太陰犯斗
申犯井乙丑潞州陷冬十月乙亥熒惑犯氏甲申太陰掩昴劉
福通黨畧興元遂圍鳳翔察罕帖木兒李思齊擊破之賊走入
蜀咎失拔都魯討曹州賊軍敗知樞密院事答里麻失里歿
靜江路山崩地陷十一月辛丑汾州桃花戊午以答蘭平章
政事李獻爲中書左丞八都麻失里爲右丞卜顏帖木兒哈刺
那海崔敬陳敬伯並參知政事十二月庚午熒惑犯天江戊寅
太白犯歲星甲申太陰犯鬼丁亥歲星犯壘壁陣庚寅太白犯
壘壁陣癸巳太陰犯心丁酉象山縣鶴鼻山崩己亥流星如金
星大尾長三尺餘起自太陰近東而沒化爲青白氣庚子咎失
拔都魯卒于軍是歲趙均用彭早住同據淮安趙僭稱承義王
彭僭稱魯淮王義兵千戶余寶殺知樞密院事實童叛降于毛
貴據棣州自後太廟四祭皆闕

十八年戊戌春正月辛丑填星犯鬼丙午太陰犯昴陳友諒陷

安慶淮南行省右丞余闕歿之庚戌朱元璋兵取婺源州及建
 德路乙丑大風起自西北仆益都土門萬歲碑丙寅田豐陷東
 平路命答失拔都魯子孛羅帖木兒為河南行省平章領其父
 軍分命察罕帖木兒屯陝西李思齊屯鳳翔二月己巳朔立團
 結西山寨大小十一處設萬夫千夫百夫長分守要害毛貴陷
 青滄州進據長蘆鎮分戶部寶鈔庫等官于陝西就近造鈔以
 給軍癸酉毛貴陷濟南山東宣慰使董搏霄歿之時搏霄已拜
 任乙亥填星犯鬼辛巳命太不花為中書右丞相總兵山東壬
 午田豐復陷濟寧紐的該棄東昌走丁亥察罕帖木兒遣兵復
 涇州平涼遂保鞏昌庚寅壬士誠自益都犯懷慶丁酉興元陷
 三月己亥朔日色如血庚子毛貴陷嚴陽路辛丑大同夜黑氣
 蔽西方聲如雷少頃東北方有雲如火交射中天巳而火光遍

地空中作兵甲聲癸卯壬士誠陷晉寧路總管杜賽因不花歿
 之甲辰察罕帖木兒遣兵復晉寧庚戌毛貴山河間趨直沽遂
 破蘆州掠柳林樞密副使達國珍戰歿四方兵入衛同知樞
 密事劉哈刺不花由彰德以兵拒戰于柳林貴眾潰仍走濟南
 丙辰冀寧路及大同諸縣陷夏四月甲申應作陳友諒據江西
 省治壬午田豐由益都掠廣平退保東昌元帥方脫脫以兵復
 廣平辛卯太白犯鬼甲午陳友諒遣王奉國陷瑞州是月察罕
 帖木兒李思齊會宣慰使張良弼等兵討李喜喜于鞏昌喜喜
 敗入蜀察罕駐清湫思齊駐斜坡良弼駐秦州郎中郭擇善駐
 崇信宣慰同知拜帖木兒駐通渭平章定住駐臨洮各自除官
 屬徵納軍需既而思齊良弼襲殺拜帖木兒分其兵五月戊戌
 朔察罕帖木兒遣將復冀寧自以劉尙質為冀寧路總管李思

齊擅殺郭擇善庚子劉福通攻汴梁守將竹貞棄城遁福通入
城自安豐迎僞主韓林兒居之以爲都壬寅太白犯填星庚戌
陳友諒陷吉安路壬子太陰犯斗癸丑御史七十等糾右丞相
太不花纒歸拒命詔削其官爵安置蓋州命知行院事悟良哈
台德之節制河北軍河南平章周全節制河南軍辛酉陳友諒
兵陷撫州六月戊辰朔通考云太不花伏誅察罕帖木兒調部
將虎林赤關保同守潞州授察罕帖木兒陝西行省平章便宜
行事乙酉命左丞相太平督諸軍守京城秋七月丁酉朔全
據懷慶叛降於劉福通殺守將伯帖木兒盡驅懷慶民渡河入
汴梁丁未太陰犯斗戊申太白晝見己未劉福通遣思金弭兵
攻洛陽守將登城以大義責全全媿謝遣兵劉福通殺之八月
壬申太陰掩心甲申掩昴陳友諒兵陷建昌路義兵萬戶王信
以滕州叛降於毛貴庚寅以老的沙爲御史大夫九月丁酉朔
褒封唐劉蕡爲文節昌平侯劉福通分兵踰太行焚止黨破遼
州大掠興和塞外諸郡乙丑陳友諒陷贛州參政全普庵撒里
及總管哈海赤灰之冬十月己卯太陰犯昴壬午監察御史燕
赤不花劾右丞相搠思監奸貪誤國詔收其印綬以紐的該爲
左丞相十一月乙未朔田豐陷順德路陳友諒陷汀州丙午太
陰犯昴太白犯房辛酉太陰掩心十二月乙丑朔日食癸酉劉
福通黨陷上都焚宮闕轉畧遼陽遂至高麗上都爲累朝巡幸之所至是不復時
巡戊寅太白經天庚辰察罕帖木兒遣樞密院判瑣住進兵遼
陽癸未太白經天甲申朱元璋兵取蘭溪州及婺州路達魯花
赤僧住廉訪使楊惠灰之戊子太陰犯房是歲大饑疫兩河山
東斗米金一斤民流入京師死者二十餘萬人宦者朴不花請

市地收瘞之

十九年己亥春正月甲午朔陳友諒遣將王奉國寇信州路江東廉訪副使伯顏不花的斤往救之辛丑太陰犯昴乙巳以朶兒只班平章政事丙午遼陽行省陷懿州路總管呂震死之察罕帖木兒遣樞密院判陳秉直八不沙將兵二萬守冀寧癸丑流星如酒盃大有聲如雷二月辛巳叛將梁炳攻辰州參政和尚擊敗之甲申賊由飛狐靈丘犯蔚州庚寅諸驛羅帖木兒移鎮大同捍蔽京師復置大都督兵農司并分司十道專督屯糧卽以孛羅領之保定河間不勝其擾三月癸巳朔陳友諒畧衢州復分兵陷襄陽庚戌太陰犯房壬戌定科舉流寓人名額蒙古色目南人各十五名漢人二十名夏四月癸亥朔毛貴爲趙均用所殺帝以天下多故御天壽節朝賀禮太子率羣臣再

三奏請帝曰朕闕於修省致萬姓塗炭今復朝賀燕集是重朕不德也俟天下安寧行之未晚卒不聽己丑賊陷寧夏遂畧靈

武等處五月

通考云丁亥朔日食本紀作壬辰朔不言日食

丙申熒惑犯鬼丁酉皇太

子請巡北邊緩撫軍民御史臺上疏固留帝從之丙午太陰犯天江丁未犯斗以八月鄉試河南舉人及避兵儒士不拘籍貫依河南省元額就陝州置貢院應試秋七月壬辰朔黜擿思監爲遼陽左丞相丁酉太白犯上將甲辰犯右執法己酉犯左執法命國王囊加帶等統軍征遼陽丙辰毛貴黨續繼祖自遼陽入益都執趙均用殺之八月辛酉朔察罕帖木兒大發秦晉軍攻汴梁破之劉福通奉僞主韓林兒復走安豐詔察罕帖木兒爲河南行省平章兼同知行樞密院西臺中丞依前便宜行事九月癸巳禁軍人私殺牛馬以察罕腦兒宣慰司地隸資政院

有司不得差占

其地在今世祖時屬松台太子四

丙午夜白虹

賁天甲寅太白犯天江朱元璋兵取衢處二州遣尙書伯顏帖

木兒曹履亨以御酒龍衣賜張士誠徵海運糧

時中原既亂江南海漕久不至

城造平橋以方國珍爲江浙平章壬申太白犯斗辛巳流星大

如桃陳友諒兵陷杉關十二月戊辰太白犯壘壁陣時太子欲

撫軍憾左丞相太平不從殺中書左丞成遵參知政事赴中

平舉用之人誣以陳友諒以江州爲都迎僞主徐壽輝居之自

稱漢王是歲山東河南關中飛蝗蔽天人馬不能行所落溝壑

盡滿

綱目云大都有杜鵑 輟耕錄云至正乙亥十二月金陵

五緡數日米盡糟糠亦與常日米價等又數日糟

糠盡乃以油車家糠併搗屑啖之俄成十六七

二十年庚子春正月己丑朔改鞏縣爲軍州萬戶府招民屯種

參知政事丙辰五色雲見二月戊午朔左丞相太平罷尋爲止

都留守

輟耕錄云至正庚子二月六日浙西諸郡三月戊子朔

田豐陷保定彗星見東方乙巳冀寧陷壬子復以搠思監爲右

丞相夏四月丁卯太陰犯明堂癸酉犯東咸僉行樞密院事張

居敬復興中州五月丁亥朔日食陳友諒殺其僞主徐壽輝自

稱帝國號漢改元大義已而回駐江州遣兵陷辰州壬寅太陰

犯建星張士誠海運糧十一萬石至京師六月己丑察罕帖木

兒與孛羅帖木兒爭晉冀互相讎殺帝下詔令各守信地毋得

越境侵犯癸巳太白犯井戊戌太陰犯建星秋七月辛酉孛羅

帖木兒敗王士誠于臺州乙丑太陰犯井乙亥詔孛羅帖木兒

統領達漢軍仍便宜行事八月戊子命孛羅帖木兒守石嶺

順帝

續通志 卷十 四

關以北察罕帖木兒守石嶺關以南關在太原府東辛卯太陰犯天江

壬辰填星犯太微乙未永平路陷甲辰太陰犯井詔在外權攝

官專務殘虐百姓今後非朝命不得之在九月乙卯朔孛羅帖

木兒調兵自石嶺關直抵冀寧圍其城三日退屯交城察罕帖

木兒調參政閻奉先引兵與戰相持各不下帝遣參政也先不

花前往和解壬戌賊陷孟州由趙州攻真定復犯上都右丞怵

哥帖木兒與戰敗績冬十月甲申朔甘露降于國子監大成殿

前栢木以張良弼為湖廣參政規取荆襄戊子熒惑犯井詔孛

羅帖木兒守冀寧遣軍倍道至守者不納己亥察罕帖木兒遣

陳秉直瓊住等以兵攻孛羅之軍于冀寧與其部將脫列伯戰

敗之時帝有旨以冀寧界孛羅察罕不從渡河就屯澤潞拒之

十一月甲寅朔黃河清三日詔太廟影堂祭祀乃子孫孫

事近者兵興歲歉品物不能豐備累朝四祭減為春秋二祭今

宜復四祭究不果行

二十一年辛丑春正月癸丑朔詔赦天下遣使諭孛羅帖木兒

察罕帖木兒各罷兵還鎮時孛羅繼兵掠冀寧察罕引兵拒之故有是詔庚申太陰犯

歲星丁卯孛羅齊進兵平伏羌等縣癸酉石州大風拔木六畜

俱鳴民間槍刃生火焰抹之即無搖之則有二月癸未朔填星

退犯太微垣甲申同僉樞密事迭里帖木兒復永平灤州壬寅

太陰犯天江廣東廉訪使八撒刺不花殺本省廉訪使完者篤

副使李思誠僉事迭麥赤以兵據廣州時入撒刺不花久任廣

乃以完者篤代其任而除八撒刺南臺侍御史八撒刺不受命遂激成變三月丙辰太陰犯井庚辰

熒惑犯鬼張士誠海運糧十萬石至京師孛羅帖木兒罷兵還

遣脫列伯等引兵據延安謀入陝詔張良弼出南山義谷駐藍

田觀察罕帖木兒節制良弼陰結陝西平章定住俟丞相帖里

帖木兒調遣營于鹿臺察罕嚙之夏四月辛巳朔日食輟科錄云至正

辛巳四月朔日木後忽然無光天昏黑如夜星斗燦然久之方復舊天再圓星斗亦隱又少時日乃沒調張良弼

為陝西參政察罕遣其子副詹事擴廓帖木兒貢糧至京師值

太子親與定約急圖出師五月癸丑明玉珍陷嘉定等路壬戌

太陰犯房癸酉太白犯軒轅甲戌熒惑犯太白乙亥李思齊受

李武崔德等降六月乙未熒惑歲星太白聚于箕丙申察罕帖

木兒總兵討山東發晉軍下井陘出邯鄲過磁相懷衛踰白馬

津水陸並進戊戌太陰犯雲雨甲辰太白晝見秋七月通考云辛酉朔

日辛亥察罕帖木兒平東昌復冠州己巳忻州西北及大同路

北有赤氣蔽天如血八月乙酉察罕帖木兒遣擴廓帖木兒聞

思孝等討田豐直搗東平大破之豐降合為前鋒從大軍東討

棣州俞寶東平王士誠東昌楊誠濟南劉珪等皆降魯地悉定

引兵圍益都陽翟王阿魯輝帖木兒謀逆伏誅冬十月癸巳絳

州有赤氣見北方如火命察罕帖木兒為中書平章政事兼知

河南山東行院事陝西行臺中丞察罕調降將劉珪等守河南

十一月庚戌太陰犯建星癸亥犯井壬申犯氐黃河自平陸三

門積下至孟津五百里皆清凡七日綱鑑大全云命秘書少監程徐記之察罕帖

木兒李思齊遣兵圍鹿臺攻張良弼諸各還信地兵乃解是歲

京師屯田成收糧四十萬石賜司農丞胡秉燹上尊金幣旌其

功餘各賜鈔有差江鄰幾雜志云是年明州有盈尺者

二十二年壬寅春正月戊申朔太白犯建星甲寅分命李思齊

討四川張良弼平襄漢思齊退保鳳翔不行時思齊附察罕而良弼附李羅兩軍

不和故乙亥填星退犯左執法二月己卯太白犯壘壁陣乙酉

有是命

彗星見于危光芒長丈餘色青白丁酉犯離宮西星至月終光
芒長二丈餘三月戊申彗星不見星形惟有白氣形曲竟天西
指掃大角壬子彗星行過太陽前惟有星形無芒在昴宿至戊
午始滅甲寅明玉珍陷雲南省治陝西參政車里帖木兒擊敗
之擒其弟明二已未命孛羅帖木兒為中書平章政事加太尉
李思齊復遣兵攻張良弼至武功良弼伏兵大破之諭良弼聽
孛羅節制夏四月丙子朔長星見其形如練長數十丈在虛危
之間四十餘日乃滅丁亥熒惑離太陽三十九度不見當出不
出五月乙巳朔閩賊賽甫丁據福州路平章燕只不花擊敗之
餘衆航海還據泉州福建參政陳有定一作友定復汀州路辛酉太
陰犯建星辛未明玉珍據成都自稱隴蜀王張士誠海運糧十
三萬石至京師六月辛巳彗星見紫微垣光芒長尺餘東南指
西南行戊子彗星光芒掃上宰降城田豐王士誠刺殺察罕帖

木兒走入益都詔以其子擴廓帖木兒襲父職總其軍仍諭將
士力圖報復以伸大義秋七月乙卯彗星滅跡丙辰熒惑見西
方須臾成白氣如長蛇光爛有文橫亘中天移時乃滅河決范
陽縣八月癸巳太白犯畢九月癸卯朔劉福通以兵援田豐至
火星埤擴廓帖木兒邀擊大破之丁未太白犯亢巳酉太陰犯
斗辛史誤作丁亥歲星犯軒轅丙寅熒惑犯鬼巳巳有流星如酒杯
色青白光明燭地冬十月壬申朔命江西平章朶列不花分省
廣州執叛臣八撒刺不花殺之甲戌孛羅帖木兒南侵擴廓帖
木兒分地據真定路已卯太陰犯牛丁亥辰星犯亢戊子太陰
犯畢十一月乙巳擴廓帖木兒拔益都田豐王士誠伏誅擴廓
取其心以祭父庚戌擴廓帖木兒遣關係復莒州山東悉平詔

加擴廓太尉便宜行事癸亥四川賊陷青州十二月壬辰太陰犯角庚子以佛家奴為御史大夫加封唐撫州刺史南庭王危全諷為南庭忠烈靈惠王是歲黃河自河東清者千餘里帝聞之不樂曰黃河清聖人生常有代朕者羣臣曰今太子生子陛下聖孫即其應也帝笑而頷之

二十三年癸卯春正月壬寅朔明玉珍僭稱帝于成都國號夏紀元天統庚申歲星犯軒轅二月戊戌太白晝見庚子擴廓帖木兒自益都領兵還河南留瑣往守之張士誠遣將呂珍入安豐殺劉福通據其城三月辛丑朔彗星見東方經月乃滅命申書平章愛不花分省冀寧擴廓帖木兒遣兵據之丙辰太白犯氏壬戌大同路夜有赤氣亘天中侵北斗立廣西行中書省以廉訪使也兒吉尼為本省平章

時南方郡縣皆陷惟也兒夏四吉尼獨保廣西者十五年

月辛丑熒惑犯歲星庚申歲星犯軒轅李羅帖木兒與李思齊構兵不已擴廓帖木兒遣貂高等以兵擊張良弼詔李羅連進兵討襄漢五月己巳朔張士誠海運糧十三萬石至京師壬午太白晝見乙未熒惑犯右執法六月戊戌朔李羅帖木兒遣方脫脫迎匡福于彰德擴廓帖木兒遣兵追之敗還匡福遂據保定己亥擴廓帖木兒部將歹璽等駐兵藍田七盤李思齊圍興平據蓋屋李羅帖木兒既奉詔討襄漢道阻不得下戊申李羅帖木兒遣竹貞等入陝西據省治擴廓帖木兒遣部將貂高與李思齊合攻之竹貞出降庚戌星隕于濟南龍山入地五尺乙卯太白犯井丁巳絳州有白虹二道衝斗牛庚申平陽路有白氣三道貫北極北斗天漢壬戌太白晝見夜犯井秩七月戊辰朔以袁宏馬良參知政事乙酉太白晝見有星墜于慶元路西

北聲如雷光數十丈八月丁酉朔倭寇蓬州守將劉暹擊走之
 壬寅太白犯軒轅乙巳太陰犯建星丁未太白犯軒轅己酉太
 白晝見丙辰太陰犯畢沂州有赤氣亘天中有白色如蛇形徐
 徐西行至夜分乃滅己未太白晝見辛酉太白犯歲星乙丑犯
 右執法偽漢陳友諒與朱元璋大戰鄱陽湖敗死其子理自立
 仍據武昌為都改元德壽九月辛未太白犯左執法乙亥歲星
 犯右執法丁丑辰星犯填星丁亥太白犯填星辰星犯亢張士
 誠自稱吳王即平江治宮室遣侍郎博羅帖木兒再徵糧士誠
 不應東南海運遂絕冬十月丙申朔山東赤氣千里癸卯太白
 犯以二皇后惡丞相太平令監察御史米只兒海牙劾之本傳
史大夫普化 詔安置太平于土番未至逼令自殺戊午太白犯房擴
 郭帖木兒遣僉院事任亮復安陸府李羅帖木兒遣兵攻黃寧

至石嶺關擴廓破走之擒其將烏馬兒殷興祖李羅軍山是不
 振十一月癸未太陰犯軒轅歲星犯右執法詔復故丞相脫脫
 所授宣命是歲御史大夫老的沙與知樞密院事禿堅帖木兒
 得罪于太子奔大同李羅帖木兒匿之軍中

二十四年甲辰春正月戊寅太白犯軒轅庚辰保德州民家產
 豬一頭兩身朱元璋改稱吳王自將伐漢偽漢主陳理降悉有
 湖廣江西之地二月壬子歲星犯左執法癸丑太陰犯酉咸池
 三月辛卯時太子惡李羅帖木兒置老的沙禿堅帖木兒乃以
 帝詔削李羅官爵奪其兵李羅拒命不受夏四月甲午朔日食
 既又以帝詔命擴廓帖木兒討李羅帖木兒李羅知非出帝意
 皆右丞相搠思監宦者朴不花所為遂令禿堅帖木兒舉兵犯
 關入居庸關知院事也速魯事不蘭奚迎戰敗績甲辰命太子

率侍衛兵出古北口東趨興松乙巳禿堅帖木兒兵至清河列營都城大震使達達國師至其軍問故以必得搠思監朴不花爲辭帝不得已執與之丁未詔復孛羅帖木兒官爵總兵如故以也速爲左丞相庚戌禿堅帖木兒陳兵自健德門入覲帝于延春閣慟哭請罪帝宴賚之加孛羅帖木兒太保仍守大同禿堅帖木兒進中書平章政事辛亥禿堅帖木兒請還軍太子至路兒嶺詔追回宮癸丑太白犯井五月戊辰又下詔復擴廓帖木兒討孛羅帖木兒屯兵冀寧分三道東道以白鎖住領兵三萬守京師中道以貊高竹貞領兵四萬西道以闊保領兵五萬合擊之闊保等兵逼大同孛羅留兵拒守而白率兵與禿堅帖木兒老的沙復大舉向闕甲戌太白犯鬼乙亥歲星犯左六月癸卯三星晝見白氣橫塞其中甲辰朔日府有南方光如晝丁未大星隕照夜如晝及旦黑氣晦暗如覆白鎖住以兵至京師太子西行丁巳太白犯右執法保羅州黃龍見井中秋七月癸亥太白歲星合于翼甲子歲星犯左執法丙戌孛羅帖木兒前軍入居庸關合太子率諸軍禦于清河也速軍于昌平軍士不戰而潰太子馳還都城白鎖住引兵扈之星夜取道碓勒河間往冀寧戊子孛羅帖木兒駐兵健德門與禿堅帖木兒老的沙入見帝于宣文閣訴其非罪皆泣帝亦泣賜宴如初庚寅命孛羅帖木兒爲左丞相老的沙平章政事禿堅帖木兒爲御史大夫也速知樞密院事帝曰孛羅擴廓俱朕股肱視同心符自今各釋宿忿弼成大勳八月壬辰朔日食乙未熒惑犯鬼乙巳太子兵至冀寧乙卯張士誠逐達識帖睦迺以其弟士信代爲江浙左丞相南臺御史大夫普化帖

木兒不從成之達識帖睦亦仰藥成字羅帖木兒既當國請
 誅狎臣罷三宮不急造作汰宦官減錢糧禁西番僧作好事數
 遣使請太子還宮使至太原太子拘留不報九月辛酉朔宦官
 思龍宜潛送宮女伯忽都出順承門達冀寧行帳乙丑太白晝
 見癸酉夜西北有紅光至東而散甲申太陰犯軒轅冬十月丙
 午太陰犯畢己酉犯井己未詔諭太子還京師命也速老的沙
 分道總兵十二月乙卯太陰犯太白輟耕錄云松江近海湖潮
 間水忽平壅起高三四尺若
 潮漲勢平江嘉興亦如之

二十五年乙巳春正月癸亥封李思齊為許國公丙寅太白晝

見甲戌太白犯建星二月辛丑汴梁路見日旁有一月一星耕輟

錄云至正乙巳遣翰林應奉李國威抵汴城望祭嵩嶽二月十
 三日仰視日旁一月一星月初弦者又十日兩木冰狀如樓
 閣人物鳥獸卉木俱備高林大樹味蓀羽幢彌望
 不絕凡五日始解又十日復冰自汴至中澗皆然丙午太陰犯

填星三月庚申朔太子在冀寧下令軍中曰字羅帖木兒襲據

京師余既受命總督天下諸軍恭行顯罰少保平章擴廓帖木

兒躬勒將士分道進討諸王駙馬及陝西平章李思齊等各統

軍馬尙其奮義戮力尅期恢復丙寅字羅帖木兒聞太子討已

幽置二皇后奇氏于諸色總管府丁卯以火尼赤別帖木兒並

為御史大夫戊辰太白犯壘壁陣夏四月庚寅字羅帖木兒脅

奇氏令還宮取印章偽為后書遣太子遣內侍完者禿持往冀

寧復出幽之乙巳關保等兵入大同壬子熒惑犯靈臺五月辛

酉熒惑犯太微垣甲子京師雨菴毛之強曲
者曰菴長尺許或言于帝

曰龍絲也命拾而祀之六月戊子以黎安道參知政事乙巳皇

后奇氏還宮乙卯詔太子加李思齊鄒國公秋七月丁丑填星

歲星熒惑聚于角亢己卯太陰犯畢乙酉字羅帖木兒伏誅禿

堅帖木兒老的沙北遁丙戌遣使函孛羅首往冀寧卽召太子
還其黨黎安道方脫脫雷一聲皆棄市河決小流口達于清河
八月丁亥朔京城門閉者三日竹貞豹高命軍士緣城而上碎
平則門鍵大掠都市乙未太陰犯建星巳亥太白犯壘壁陣癸
卯復命太子分調將帥戡定未復郡邑承制用人並准正授丁
未皇后弘吉刺氏崩壬子以洪寶寶帖古思不花捏烈禿並平
章政事擴廓帖木兒扈從同太子至大都九月丁丑太陰犯井
壬午命伯撒里爲太師右丞相擴廓帖木兒爲太尉左丞相錄
軍國重事以方國珍爲淮南左丞相分省慶元冬十月辛卯癸
惑犯天江壬寅以哈刺章知樞密院事丁未益王渾都帖木兒
擒老的沙誅之禿堅帖木兒走八兒思之地命嶺北左丞相山
僧追討之戊申以禿魯爲御史大夫巳酉癸惑犯斗太陰犯右
執法庚戌犯太微垣閏月庚申詔張良弼俞寶孔典等悉聽擴
廓帖木兒調遣戊辰太白辰星癸惑聚于斗太陰犯畢辛未封
擴廓帖木兒河南王以代太子親征總制關陝晉冀山東遼南
一應軍馬聽便宜行事壬申太白犯辰星辛巳以脫脫木兒爲
中書右丞達識帖木兒爲參知政事十一月巳丑太白犯癸惑
太陰犯壘壁陣丙申犯畢癸卯犯太微垣十二月乙卯立高麗
女奇氏爲皇后改賜肅良哈氏癸亥太陰犯畢庚午歲星掩房
辛未太陰犯右執法禿堅帖木兒伏誅是歲遣侍郎滿尙賓掩
篤刺哈至鳳翔持詔諭李思齊開通川蜀道路思齊方兵爭不
奉詔留尙賓等不還

二十六年丙午春正月巳酉命沙藍答里爲左丞相孛羅沙脫
脫不花並爲御史大夫完者木知樞密院事壬子增燕南河南

山東陝西河東舉人會試者額進士及第以下遞升官一階二月癸丑朔立河淮水軍元帥府于孟津甲戌以內難平凡經值軍馬之地與免雜泛差徭命擴廓帖木兒還河南分省部自隨統制各處軍馬收復中原調陝西張良弼兵不應是月黃河北徙自東明曹濮下及濟寧民皆被害三月丁亥白虹五道亘天其第三道貫日又有氣橫貫東南良久甲午擴廓帖木兒遣關保等西攻張良弼于鹿臺李思齊脫列伯孔興等與良弼連兵拒之僞夏主明玉珍死夏六月壬子朔介休縣地震平遙縣大雨雹山陰縣臥龍山裂秋七月辛巳朔日食徐溝縣地震石州大星如斗自西南而落甲午太白經天擴廓帖木兒分兵屯河中遣關保虎林赤合兵渡河約李思齊共攻張良弼思齊仍與良弼合連兵拒守丙午太白經天八月戊寅以李國鳳為中書左丞授陳有定為福建行省平章九月丙戌加方國珍為江浙左丞相其弟國瑛國珉姪明善並為行省平章辛丑孛星見東北方冬十月甲子擴廓帖木兒遣其弟脫因帖木兒及豹高完哲等駐兵濟南控制山東十二月庚午蒲城洛水和順崖崩是歲吳王朱元璋兵取淮安高郵徐邳顏泗及湖杭二州紹興嘉興諸路皆張士誠竊據者僞宋主韓林兒死

二十七年丁未春正月乙未絳州天鼓鳴聲如戰鬪李思齊張

良弼脫列伯會于含元殿基衆推思齊為盟主同拒擴廓帖木

兒二月通考云朔日食庚申以月魯不花月魯帖木兒並為御史大夫

三月丁丑朔萊州大風海鳥至其翅如席庚子京師大風飛砂

揚礫白日昏暗夏五月丙子朔白氣二道亘天大同隕霜殺麥

乙酉以完者帖木兒為右丞相俺普平章政事辛丑擴廓帖木

見定擬所屬官二千六百一十員詔從其請李思齊遣張良弼
部將郭謙守黃連寨虎林赤竹貞商高引兵攻之不克思齊遂
據長安六月丙午朔日食晝晦丁巳見太子寢殿後新甃井中
有龍出光焰燦人宮人驚聳仆地長慶寺有龍纏繞槐樹飛去
樹皮皆剝丁卯沂州山崩秋七月丁酉絳州星隕光耀如晝李
思齊遣將許國佐會張良弼脫列伯兵屯華陰又遣將鄭應祥
守陝西自還鳳翔龍見于臨胸龍山大石起立八月丙午再命
太子總制天下兵馬詔曰元良重任職在撫軍稽古徵今卓有
成憲曩者障塞決河本以拯民昏墊豈期妖盜橫造訛言黃鼓
愚頑塗炭郡邑殆遍海內茲逾一紀故察罕帖木兒仗義興師
獻功敵愾汎掃汴洛克平青齊爲國捐軀深可哀悼其子擴廓
帖木兒克繼先志用成駿功會太子愛猷識理達臘計安宗社
累請視師朕以國本至重詎宜輕出遂授擴廓帖木兒總戎重
寄畀以王爵俾代其行豈意李思齊張良弼等各懷異見搆兵
不已以致盜賊愈熾深遺朕憂况全齊密邇輦轂儻失早計恐
生異圖詢諸衆謀僉謂有太子聰明仁孝文武兼資聿遵舊典
爰命以中書令樞密使悉總天下兵馬一應軍機政務生殺予
奪事無輕重如出朕裁其擴廓帖木兒領本軍自潼關以東肅
清江淮李思齊自鳳翔以西進取川蜀以少保禿魯爲陝西行
省左丞相總本部及張良弼孔興脫列伯等各軍進取襄樊山
東行省平章王信以本軍固守沂州詔書到日汝等悉宜洗心
滌慮同濟時艱毋替朕命詔書雖下而太子不果行擴廓帖木
兒亦不奉命于是其部將貊高關保皆叛殺衛輝彰德守禦官
上言擴廓不遵君命無人臣禮臣等不能俛首聽命詔削擴廓

帖木兒官罷其兵柄就命貊高討之壬子仍令太子立大撫軍
院以右丞相完者帖木兒翰林承旨答爾麻平章政事完者帖
木兒並知撫軍院事九月甲戌朔命丞相也速分省山東涉藍
答里分省大同丁亥當作丑以兵興迤南供億繁重真定河南陝
西山東冀寧諸處與免民間今年田租之半其餘雜泛一切住
罷吳王朱元璋取平江路執張士誠以歸士誠自縊死冬十月
甲辰朔命也速會貊高攻擴廓帖木兒于真定不克壬子詔落
擴廓帖木兒太傅左丞相及兼領諸職仍前河南王其帳前諸
軍命鎖住虎林赤統之河南諸軍李克彥統之山東諸軍也速
統之山西諸軍沙藍答里統之河北諸軍貊高統之關保仍統
本部軍如故擴廓退軍澤州甲寅以火甲赤丁好禮並平章政
事十一月壬午吳王朱元璋兵取沂州平章王信遁癸未取慶

元路方國珍迎降分兵山海道入福州取邵武建寧延平諸路
執陳有定以歸有定不屈死辛丑益都陷宣慰使普顏不花總
管胡濬知樞密院張俊皆死之十二月癸卯朔日食甲子命右
丞相也速等會國公楊誠陳秉直各部軍同守山東詔李思齊
爲副總統守關中脫列伯孔興出潼關渡河合勢東行其勤王
事思齊等不奉命詔分潼關以西屬思齊東屬擴廓帖木兒各
罷兵還鎮於是關保退屯潞州南高留屯潼關

二十八年戊申春正月壬申朔命太子敕關保固守晉寧總統
諸軍如擴廓帖木兒拒命當以大義相裁就便擒擊辛巳詔諭
擴廓帖木兒曰比者也速上奏卿以書陳情深自悔悟及省來
意良用惻然朕視卿猶子卿何惑於儉言不體朕心隳其先業
卿今能自悔固朕所望其思昔日委任肅清江淮之意卽將冀

寧真定諸軍就行統制渡河直擣徐沂以康靖齊魯則職任之
隆當悉還汝衛輝彰德順德皆爲王城卿無以豹高爲名縱軍
侵暴其晉寧諸軍已命關保總制策應戡定山東將帥各宜悉
心庚寅彗星見于昴畢之間是月吳王朱元璋卽帝位建國號
曰大明二月壬寅朔復削擴廓帖木兒爵邑命禿魯李思齊等
討之癸卯武庫災癸丑明兵取東昌路守將申榮王輔元灰之
丙辰擴廓自澤州退守晉寧關保守澤潞二州與豹高軍合明
兵至河南李思齊張良弼等解兵西還三月庚寅彗星見西北
有星流于東北衆小星隨之其聲大震明兵取河南李思齊張
良弼會兵駐潼關明兵入潼關思齊奔屬夏五月庚午朔李
克彥棄河南城奔陝西推李思齊爲帥駐兵岐山思齊部將虎
林赤脫列伯張意等據整屋商鞅據武功李克彥據岐山任從
政據隴州六月庚子朔雷雨中有火自天墜焚大聖壽萬安寺
壬戌臨州保德州地震五日不止明兵下湖南兩廣悉定秋七
月癸酉京城紅氣滿空如火照人自旦至辰方息乙亥京城黑
氣起百步內不見人豹高關保以兵攻晉寧閏月己亥朔擴廓
帖木兒擒豹高關保遣其斷事官以聞帝不得已詔豹高關保
開謀搆兵卽依軍法誅之辛丑明兵由衛輝彰德取廣平路丁
巳詔罷大撫軍院復命擴廓帖木兒仍前太傅左丞相統領見
部軍馬由中道直抵彰德衛輝右丞相也速統大軍徑由東道
水陸並進陝西左丞相禿魯率關陝諸軍東出潼關攻取河洛
平章李思齊領本部軍南出七盤金商克復汴梁四道進兵犄
角勦捕毋分彼此平章俺普瓚住等軍東西布列乘機掃殄遼
陽左丞相也先不花樞王知院厚孫等軍捍禦海口藩屏畿輔

以太子愛猷識理達臘悉總天下兵馬裁決庶務具如前詔壬戌白虹貫日始罷內府興造甲子擴廓帖木兒自晉寧退守冀寧明兵至通州知樞密院事卜顏帖木兒力戰歿右丞相失列門傳旨奉太廟列室神主並隨太子北行乙丑白虹貫日詔准王帖木兒不花監國慶童為左丞相留守京城丙寅帝御清寧殿集三宮后妃及太子并太子妃同議避兵失列門及知院事黑斯宦者趙伯顏不花等諫不聽伯顏不花慟哭曰天下者世祖之天下陛下當以死守奈葉之臣等願率軍民及諸怯薛歹出城拒戰卒不聽至夜半開健德門北奔草木子云至鳴端明殿上帝命射之終莫能中俄常遇春等統兵至門林夫京甚近帝召百官會議端明殿及開門忽有二狐自門出帝嘆曰官禁嚴密此物何得至此帝命北行天八月庚申戶二日中當作所以告朕朕其可留哉遂命北行

年明兵入京城國亡後一年帝駐于應昌府又一年四月丙戌

